

LIPOTSO LE LIKARABO

 . . . mona, ke e mena feela. E itse:

24b. Na u ipha letsatsi ho nahana ka lintho tsee tseo u tla li bua bosiu?

Ka sebele ho ne ho tla nka letsatsi, na ha ho joalo?

Che, Mokreste, moena oa ka, ha ke nahane ka seo ke tla se bua sefaleng. Ke tla bala Lengolo kae-kae. 'Me ke—ke entse litsebiso hangata hore ke tla ea sefaleng, ke il'o rera ka taba e itseng, ho fihla mono, Moea o Halalelang o mphetole hantle, ho nketsisa se seng.

Ke lekile makhetlo a mabeli kapa a mararo ho ngola lintlha le ho rera ka lintlha. Ha feela ke ntse ke shebile lintlha tseo, ke tlositse kelello ea ka ho Molimo. Ka hona ke tlameha ho ea pele le ho li pshatla le ho li lahlela fatše 'me e be sefe seo A se buang. Ka nako e 'ngoe ke qala ho Genese 'me ke qetelle ho Tšenolo, ke... Kahoo hakaalo ha ke e—e moreri ke feela ho—ho... ke tlameha ho fumana melaetsa ea ka ho tsoa Holimo.

'Me ke—ke balile Lengolo, joaloka ha ke boletse, ka letšaoa la sebata. ke... Mohatsa ka, 'mè oa ka, le bao ba tsebang, matsale ea lutseng mona, ea leng tlung ka nako, ke mpa feela, ho ella hora ea boraro thapama, ke qala ke rapela. Kea kena, ke qale ho rapela. Ebe ke theoha feela, ke nahana, "Be, ke itse ke tla bua bosiusa bona ka *Letšaoa La Sebata*." Ke tla ea koana. 'Me ke tlisitse, bosiusa bona, bakeng sa karabo e—e patlantsoe ea Cruden. 'Me ke ho fumana likarabo, kapa, e seng—e seng likarabo, empa u tseba seo patlantsoe e leng sona: ke mantsoe 'ohle a Bibele a ngotsoeng. Ka hona, ke tsoma feela patlantsoe ho fumana, ka nako e 'ngoe, moo potso ea motho e leng teng.

Empa kaha hangata, joaloka ha ke bona e mong oa metsoalle ea ka mona eo ke kopaneng le eona levenkeleng, kapa pel'a levenkele thapama ena, eena... re ne re bua ka lipotso tsena, le joalo-joalo, ka mokhoa oo.

Joale, bophelo bohole ba ka ke bile, haesale ke le moreri, ke ile ka tlameha ho loana le ntho e 'ngoe le e 'ngoe. Ha ke eso kene sekolo sefe sa seminari. 'Me ntho feela eo nkileng ka ithuta eona ke seo A mpoleletseng sona. 'Me joale ke ile ka e tiisetsa feela le—le ho e lumela. 'Me ke batlile ke loana le ntho e 'ngoe le e 'ngoe eo ke—ke a lumela, lefatše ka bophara. ke... Bona... Koana Afrika, libakeng tse fapaneng le masimong a kantle, u fumana li—isms tseo Amerika e-so li nahane. 'Me u lahlella ntho eo hantle. Empa ntho e kholo esale ke leka ho ema holim'a Lentsoe lena, hantle mona; le a bona, ha se Lengolo le le leng feela, e tlameha ho tla e pholletsia Bibebe eohle.

Joale, u ka nka Lengolo le le leng 'me oa le buisa eng kapa eng. Na le a tseba hore batho ba sa lumeleng ba sebelisetsa Bibebe ena e buka ea bona ea likhang? Ehlide. Empa e tlameha ho tšoana ka linako tsohle. Joale, ha u ka tšoarela polelo eo (ke tla, feela, joalo, mokhoeng oa thuto ho rona), Bibebe e tšoana le malataliana a sehiloeng. Ka nepo. 'Me u tla lokela ho sheba ho Kreste Jesu, Mohlala, ho tseba mokhoa oa ho e kopanya. Haeba u sa etse joalo, u nka maikutlo a hau, u tla bona ponong ea hau, khomo e fulang joang holim'a sefate, ntho ea pele eo u e tsebang. E ke ke ea sebetsa hantle feela. Empa ha feela u ka lumella Moea o Halalelang; feela u se ke ua sebelisa kelello ea hau ha u ithuta Bibebe. Haeba u leka ho sebelisa tsebo ea hau kapa kelello ea hau, ka sebele u tla sokolloa nako le nako. Le a bona?

Hobane joalo ka ha Kreste a boletse, "Ke e patetse mahlo a seminari, ba bohlale le ba masene, 'me e tla senoleloa masea a tlang ho ithuta." Bona. "Ke e patile." Kahoo ha ho na likolo, le liboto, le—le liboto tsa likereke, ho ruta Lengolo ka tsela eo le lokelang ho ba ka eona. Joale, ke ntho e kholo ho e bua. Ba ka ba na le 'nete e ngata, empa Moea o Halalelang o e senolela batho ka bomong. Ka hona, Moea o Halalelang ke oa batho ka bomong. Ke ka baka leo mokhatlo o ntšang batho moleng oa Molimo nako le nako. Hobane Molimo o aba ntho e ncha kamehla, O ntse a tsoela pele joalo. 'Me, empa kamehla ona ke motheo. E shebeng 'me le e bone ha e ntse e phetleha ka Bibeleng, e shebeng kamoo e ntseng e phetleha ka teng nakong. Joale u ka bona moo u eang teng.

Joale, likarabong tsena, joaloka ha ke boletse, ke mosuoe ea fokolang haholo. Empa ke batla ho bolela seo ke se tsebang ka eona, ke lakatsa ho—ho e hhalosetsa ba bang. 'Me ha u ka fapano 'me le re, "Be, Moena Branham, ha ke e lumele ka tsela eo," ho lokile, hoo ha ho re khaole ho ba baena hape, le a bona. Re baena feela. Ke . . . Haeba u batla ho ba e—e—e . . . ho ba setho sa Tempele ea Continuity, le a tseba, ho lokile ho 'na. Bona. 'Me ha le lumela ho Morena Jesu Kreste, re tla 'ne re be balekane 'me re tsamaee hantle feela. 'Me—'me ke lumela hore khalaletso e ntle ea mehleng ea khale e tla u etsa hore o ikutloe joalo ka eona. Ha ho joalo? Ke hantle, ho etsa hore re lumellane.

Joaloka monna enoa ea emeng mantsiboa a fetileng, a eme hantle mona, ka boemo ba mofuta oo. 'Me—'me ke kopane . . . Moarekabishopo oa India ke enoa, batho ba fetang limilione tse makholo a mane le mashome a supileng. 'Me a tla, 'me a utloa ka eona 'me a tla koano, a re, "Na see ke 'nete?"

Ka re, "Ho joalo."

A re, "Ke amohela Moea o Halalelang joang?"

"Ho beha matsoho." Ho mo bea matsoho, 'me Moea o Halalelang oa theohela holim'a hae.

O ne a eme Chicago, mona, liveke tse 'maloa tse fetileng, kopanong e kholo ea Borakhoebo ba Bakreste, ho re, "Ke ne ke

laetse bak'hadinale kaofela le ntho e 'ngoe le e 'ngoe ho mpeha matsoho holimo mono; banna ba baholo, babishopo ba baholo, le ba joalo, ba mpeha matsoho ka mohla ba neng ba nthomamisa mobishopo oa India, Moarekabishopo oa Episcopalian oa India le mopresidente oa Christian Fellowship of India." Letšoao le leholo ka ho fetisia la bolumeli India. 'Me a re, "Ha ho a etsahala letho ha ba mpeha matsoho." Ho re, "Ke tlide mona ho thaka le neng le sa tsebe ABC tsa hae, ho hang, 'me a mpea matsoho, 'me ka amohela Moea o Halalelang." Ke hantle. Hoa makatsa, na ha ho joalo? Le a bona.

Kahoo, ha e tle ka thuto kapa tsebo; e tla ka ho ikokobetsa pel'a Molimo. Ke hantle.

'Me hape, mona ke kamoo u tla tseba hore u Mokreste: Ka litholoana tseo u li beang. Joale, e seng ka tsela eo u hoeletsang ka eona. Ke lumela ho hoeletsa, empa ha se hore u a hoeletsa, kapa che, 'na...kapa—kapa u bua ka liteme, kapa che. Seo... Ke lumela ho buoeng ka liteme. Ha se hore na u folisa bakuli, kapa che. Ke lumela pholisong. Empa litholoana tsa Moea ke tsena: lerato, thabo, khotsa, mamello, molemo, bonolo, tiisetso. Eo ke tholoana ea Moea. Le a bona? 'Me ha mehlolo eo e u latela, joale ke—ke batla ke lumela hore ke seo Jesu a mpoleletseng ho se sheba.

A re, "Batho bohole ba tla tseba hore le barutuo ba Ka, ha le..." [Phutheho e re, "Le ratane."—Mohl.] Ke hantle. "Ha le ratana." Le hoja monna eo a ka fapania le uena, empa u mo rata ka tsela e tšoanang. Le a bona?

Oh, haeba le rata ba le ratang feela, le na le mopeutso ofe? Baetsalibe ba etsa ntho e tšoanang. Le a bona? Le a bona? Empa u rate ba u hloileng, e seng feela ho etsa eka o a ba rata, empa u hlile u a ba rata. [Phutheho e re, "Amen."—Mohl.] Kea leboha. Ke hantle. "Amen," e nepahetse. Le a bona? Haeba motho a hlile a u hloile, 'me a ipakile hore o u hloile, 'me u ntse u mo rata ka pelong ea hau, u ntse u atamela haholo 'Musong. Ke hantle.

Joale u se ke ua mo rata, ho re, "Be, kea tseba hore ke tlameha ho e etsa." Empa oa mo rata leha ho le joalo. Haeba u sa mo rate ho tsoa pelong ea hau, haeba u re ua mo rata athe ha u mo rate, ua tseba hore na hoo ho u etsa'ng? Moikaketsi. U a bona. Kahoo u se ke ua tsamaea 'me ua mo bolella hore u etsa joalo haeae ha u hlile u etsa joalo. 'Me haeba u sa ikutloe ka tsela eo, lula hantle feela mona ho fihlela u ikutloa joalo. Hobane ke tla u tiisetso, ho na le mohau o lekaneng ho etsa hore u ikutloe joalo. Ke hantle. Ruri e tla etsa joalo.

Joale—joale, lipotso tsena... 'Me hopolang joale, ho tšoana le litšebeletsong, lintho tseo kaofela ha lia lebisoa ho kereke ea mang kapa mang, tumelo ea mang kapa mang, ho hang. Ke ka tabernakeleng ea ka e nyenyane feela mona ke hlahisa maikutlo a ka ka litaba tsena. Le a bona.

'Me joale, ha u ka fapana, hoo ho tla loka. Na oa tseba hore ha ho letho, ha ho joalo, ba babeli ba rona mona, 'me ha ho le a mong oa rona mona ea nang le monoana o motona o tšoanang. Ha ho nko ea rona e tšoanang. Ke nahana hore le thabetse ha ea lona e sa tšoane le ea ka. Empa—empa ke a . . . Empa ha ho na e tšoanang mona. Le a bona? 'Me joale re tla fapana. Joale, nka rata phae ea cheri 'me uena u rate apole, empa bobeli re ja phae. Ke eona feela e—e ntho. Kahoo, rona . . . Ke mohopolo oo. Ha feela re rata Morena Jesu, 'me re tsoetsoe labobeli ka Moea oa Molimo, re Mokreste. Joale, kereke e ke ke ea u etsetsa seo. Jesu a ka u etsetsa seo. Le a bona.

Joale, lipotsong tsena, ha u sheba ka mona, ho na le tse ling tse hlabang ka mono. 'Me ka hona, ho ba araba joale, motho e mong le e mong a hlahlobe sena hantle, le a bona, se tšoaee: Ke ba araba feela ka bokhoni ba tsebo ea ka ka Lentsoe la Molimo. Le a bona? 'Me haeba e sa arajoa hantle ho ea hau . . . 'me uena, potso e 'ngoe, hobaneng, u joalo . . . Ke rata ha u ka e busetsa kalaneng kapa ho tla bua le rona ka eona, kapa eng kapa eng eo re ka e etsang. 'Me mohlomong 'na le Moena Neville mona, re ka bona lintho tseo re sa lumellaneng ka tsona.

Le—le Mongh. Baxter, e mong oa balekane ba ka ba haufi haholo kopanong ea ka, Mongh. Baxter, re bile 'moho ka lilemo; 'me ke mofatakanyi oa sebele oa Bibebe, empa ha a lumele ho Mileniamo. 'Me kea tla, 'me ke re, "Moena Baxter, o tla koekoetla Lengolo lee joang?" E be o tlolela lehlakoreng le leng, ke re, "Joale, u se ke oa etsisa marutle. U lule ka khutso feela." Bona. 'Me ka re, "Me ba phela le ho busa le Kreste ka lilemo tse sekete lefatšeng." A re, "Ho thoe'ng ka seo?"

A re, "Ke lumela hore lilemo tse sekete li bolela feela nako e baliloeng."

Ka re, "Joale, ema hanyenyane, u nka mohopolo. Bibebe e boletse, 'lilemo tse sekete.'" Uh-huh. Ba—ba 'na ba qhoma feela. Empa bona, le a bona, ha rea ka ra etsa, empa, ha rea ka ra fapoha hore ho na le mileniammo kapa che; re ea hae Lehelimong, 'moho, hobane o tsoetsoe labobeli 'me o na le Moea o Halalelang.

Kahoo ke batlang hore u ikutloe joalo ka lipotso tsena: Tsena ke tsebo ea ka e molemo ka ho fetisia eo ke e tsebang ho uena.

Joale ha ke bona motho ea lutseng mona, 'me ba lumela hore Jesu o tla tla a kaletse pere e tšoeu, 'me ke lumela hore O ne a tla ka leru le lesou; joale, haeba ke itse "pere e tšoeu" hobane feela motsoalle oa ka a lumela pere e tšoeu, leha ho le joalo, ho ea ka Mangolo, ke lumela hore O ne a tla a kaletse leru, ke tla be ke le moikaketsi. Ke hantle. Ke tlameha ho itlhalosa hore joang 'me ke hlahiise lebaka la ka.

Pauluse o itse, "Itokisetse ka—ka linako tsohle, u be nakong, nako e lumela, leha e sa lumele; ho itokisetsa ho fa motho karabo

ea tšepo e ahileng ka ho uena.” Bona. ’Me ke seo re lekang ho se etsa.

Joale, ke utloa hore Mangolo ana, a mang a ona mona, ke litšaoelo tse nyenyane, le joalo-joalo, ’me ke tla leka ho li araba pele, ke lekileng ho li arola. ’Me nka lokela ho nka sena, ho sebelisa patlantsoe nakoana ho ntša tse ling tsa sena. ’Me hape, ka mona, ha nka qotsa hampe kapa ntho efe feela, le ntlhokomelise hantle feela, u a bona, ’me u ngolle lengolo, le ho mpolella.

Joale, pele re leka ho phetla sena . . .

Joale, lebaka leo ke etsang sena, metsoalle. Ke tla u bolella, ke ka morero. Kaofela ha lona le tseba seo. Kopano ena e ne e le ka morero. Ke kholoa Molimo o mphikolositse, sefefong seo sa lehloa, koana, le ho nkutlisa ka morero ona hona mona. ’Me ho bile le phosonyana tabernakeleng mona ka nako e telele. Ke batla ho e fumana. Ha ke fumana seo, ke tla bona haeba nka etsa ho hong ka eona. Ke hantle. ’Me ke batla hore kereke e tsamaee ka kutloano. ’Me ho na le phoso e nyenyane, hobane ha u hatele pele. U pholosa batho, ke ’nete, hoo ho a babatseha, empa ha u hatele pele ka tsela eo u lokelang ho etsa. Re tlamehile ho ntša bareri le ntho e ’ngoe le e ’ngoe. Molaetsa o lokela ho tsamaea hantle feela.

Ke bile le moena oa rona, molisa, kantle, ’me re fetile leloaleng ’moho, ’na le Moena Neville re entse joalo. ’Me ke—’me ke batla ho bona hore na . . . Joaloka e mong oa baruti ba lona, ke—ke mosebetsi oa ka. ’Me mantsiboea a fetileng . . . Hang ha ke bona ntho efe ka kerekeng hona joale, ke lona lebaka ke sa phatlalatsang kopano ena. Ke fhlahisa feela; feela, hobaneng, bohle ba amohelehile. Ehlile, re batla hore u tle. [Sekheo lebanteng—Mohl.] ’Me, empa, e ka hara kereke ena feela.

’Me ka nahana, “Haeba ke tla ruta bosiung ba pele, seo kereke kajeno . . . le mongoaha, ho latela thutafatše, ka Bibeleng, moo re lutseng ka malulo, joale ruri kereke e tla phaphama ka taba eo. Le ho bua ka ‘letšoao la sebata,’ le ho ba bontša hore hoo ke eng; e ntano ba ‘Tiiso ea Molimo.’” Eo ke mohlomphehi le mohanyetsi joale, ke lefifi le Leseli joale, ke ka hare kapa kantle joale, ’me ke eona ntho ea bohlokaoa ho fetisisa e lokelang ho rutoa hona joale.

² ’Me ke a le bolella, metsoalle, ke bua sena ho tsoa pelong ea ka, pel’ a Molimo, ka boikokobetso, ha ke eso utloe tlolo ea Moea o Halalelang ho bua mantsoe ao ke nang le ona masiung a mararo a fetileng. Ke hantle. Empa e ile ea nkhapa feela. Ke ne ke ea hae, ke sa khone le ho robala hoba ke fihle hae, tlolo e kaalo feela!

³ Joale, ke lahletse *tsena* mona ka tšepo ea hore ke tla fumana lethoana kae-kae. Le a bona? Ho fumana e—e maikutlo a batho bohle sekhechaneng sa pampiri mona. Ha ke sa fumane sena ka tsela ena, ’me Morena a sa ntšenolele eona, ke tla tsoelapele ho

fihlela ke e fumana. 'Me Molimo o tla mpha eona. Ke hantle. 'Me mohlomong ha re e fumana, e ka ba lelengoana, la khale leo le cbeketsoeng kae-kae, empa Akane o kile a fumana le leng, le eena. Le a tseba, re tlameha ho tlosa ntho eo, ebe re tla hantle feela 'me re tsoule pele 'Musong oa Molimo.

⁴ Joale, Morena a le hlohonolofatse. 'Me joale pele re phetla Lentsoe . . . 'Me joale—joale, e mong le e mong oa lona ea nang le sekolo sa Sontaha hoseng, ehlile, lona le a . . . Ke—nke ke ka le kopa ho fosa sekolo sa lona sa Sontaha, ke seo—ke sebaka sa hau sa mosebetsi kerekeng ea hau. Ke hantle. Empa, joale, ha u sa ee sekolong sa Sontaha, nyoloha 'me u re bone hoseng. 'Me haeba kereke ea hau e sa tšoare litšebeletso hosane bosiu, ka Sontaha, u amohelehole. Re tla thabela ho ba le uena nako efe kapa efe. 'Me ka hona Morena a u hlohonolofatse. 'Me le ntumeliosetse Bakreste bohole; ha ke fihle mona khafetsa.

⁵ Ke ne ke shebile ka phaposing ka mono feela, pampitšana eo ke ngotseng ka hare ho eona e lutse lutse mona e le sehopotso ho kereke ena. 'Me ka re, "Morena o mpiletsa ho ea," 'me ra lla bohole ra bokolla. Ke hopola bosiung ba pele ha ke falla. Kaofela le hopola pitso ea ka ea pele, mang kapa mang mona? Kaofela phutha chelete ho nthomella mane St. Louis, moo Betty Daugherty e monyenyan a ileng a folisoa. Ke lutse . . .

⁶ Hopola, ke ne ke alimile jase ea motho ho e apara. Ke se na jase ea ho e apara. 'Me ka tloha ka lula ka setulong sa koloi ea khale ho ea St. Louis. Na le sa hopola nako? 'Me ka alima e 'ngoe ea lijase tsa barab'eso, e ne e le khōlō ho 'na, Ka e jara sephakeng sa ka; hobane ho ne ho pholile 'me ke se na jase.

⁷ 'Me eaba re a tloha, 'me ka leba St. Louis 'me ka kopana le Moena Daugherty mono. Ngoanana oa hae e monyenyan, lingaka tsohle ho tikolohonng mono, le litsebi le lipetlele, li ne li mo tetse. Eka lehlanya le hlahafetseng. Basebeletsi hohle motseng ba ile ba . . . hohle, ka mono ho mo rapella. 'Me ka kena 'me ka mo rapella, 'me batho ba futsanehileng bao ba ne ba shebahala ba le baputsoa. 'Me ngoananyana ka mono, a hoeletsa a lla, a loana.

⁸ 'Me—'me a se a sa khone ho etsa lerata le kang la motho, eka phoofolo, o ne a chele lentsoe hona . . . oh, ekaba likhoeli tse tharo kapa tse 'ne. E ne e le meningitis oa mokolla kapa . . . che, tantše ea Saint Vitus, ka har'a—ka hara mokokotlo. 'Me melomongoana ea hae e hlahlathiloe kahohle, e lutla mali. 'Me menoana ea hae e tsoa mali hohle, ka lebaka la ho loma menoana ea hae, le lintho tse kang tseo, le ho hoeletsa feela le ho tsoelapele.

⁹ 'Me ka rapela, ka theohela kerekeng. Ho ema lihora tse ngata ka mor'a lihora. Ho lula ka ntle ka koloing ea khale le ho ema. Ke ne ke sa tlo tlolahela bothata boo ho fihlela ke utloa ho tsoa Leholumong. 'Me ke lutse mono ka koloing, pono ea hlaha ka pel'a ka, ea re, "E-ea bolella ntate, 'me ntate . . ." Ho re, "Tloha

u boelle mosali hore ka tsatsi le leng, toropong, o ile a reka ketlelenyana, e t̄soeu. E ne eso t̄sele metsi ho eona pele.” Le ho re, ““Molelle hore a shebe ka laeng ea boraro ’me o tla fumana sakatuku e ka har’ a pampiri, ha se e-so sebelisoe pele. Mo boelle hore a e tlatse metsi. Ema ntate ka letsohong la hau le letona, ntate-moholo ka letsohong la hau le let̄ehali, le ho pheta, ‘Ntata rona, Ea Leholimong . . .’ Me ha u qala seo, mo laele ho pholla sefahlehong sa hae ka lesela. Ebe bohareng ba thapelo o ama matsoho a lona, e ntano ba maoto a lona. Le ho ema le ho re, ‘HO RIALO MORENA!’”

¹⁰ Le tseba se etsahetseng, na ha ho joalo? O ile a fola hona moo. ‘Me ra kopanya matsoho a rona ’me ra theoha ka seterata ’me ra noa soda pop, ’moho tinareng. Ke hantle. Ea raosa St. Louis; kopano ea ka mono, likete tse leshome le metso e mene bosius ba pele. Ke hantle. Koana St. . .

¹¹ Ho hobé haholo ha ke ile ka tloha ho mono; ho tsamaea le ho ba emisa feela ho feta moleng, e mong hantle feela ka mor’ a e mong, ka mor’ a e mong. Ho ea feela ntlong le ho lula teng ho fihlela e fela, ’le ho khutlele hae, Ke lumela hore hoo ho ka be ho bile betere ho feta likapanong.

¹² Ho lokile, ha re inamiseng lihlooho tsa rona re sa bua le Mongoli oa Lentsoe lena, joale.

¹³ Ka mosa oa Morena oa rona Jesu Kreste, re a U atamela, Ntat’ a rona. ‘Me ka Lebitso la Hae re kopa mohau o Halalelang, hore U tla re t̄soarela libe tsa rona le litlolo kahlano le Uena. Me haeba sebe ha se le teng ka hare ho kerekana ena bosius bona, rea rapela, Morena, joalo ka—joaloka mohlanka ea emeng mona, joaloka molisa holim’ a linku . . . Joalokaha Bibele e boletse, “Alosa mohlape oo Moea o Halalelang u o beileng molebeli oa ’ona, hore u tle u o fepe.” ‘Me joale, Ntate, kea ba buella, hore U tle u ba hlohonolofatse le ho ba t̄soarela libe tsohle tsa bona. Folisa maloetse a har’ a batho. ‘Me, Ntate ea Maholimong, ke rapela hore mehauhelo ea Hau e be holim’ a rona joale.

¹⁴ Mona ho robetse ka pel’ a ka, ho ngotsoe pampiring, ho tsoa malapeng a mangata le batho ba bangata, ho robetse likopo, lipotso tse tebileng tsa Bibele tse siutang thuto e tloaelehileng. ‘Me re hloka thuso ea Hau, Morena Jesu. ‘Me ke ntse ke thonaka tsena joale, ke kena ka phaposing, ke etsa thapelo, kea tsoa, ho li arola mona, le ho behella tse lokelang ho arajoa lehlakoreng le le leng, le tse ling tse lokelang ho kena Lengolong, ho le leng. Ke tseba hakaalo nakong ena, Morena.

¹⁵ ‘Me ke rapela hore ho tloha joale U tla nka ho tloha mona ho ea pele, le ho tlotsa batho ba Hau mona bosius bona, melomo ea sebui, litsebe tsa moutloi. ‘Me Moea o Halalelang o ke o tle ’me o t̄soare Lentsoe joale le ho Le kenya pelong e ’ngoe le e ’ngoe, ’me Le e amoheloe ka moea o mosa, ’me Le abjoe ka mokhoa o

tšoanang. 'Me etlere, ha tšebeletso e fela bosiusa bona, re ke re ee hae, ho re, "A lipelo tsa rona li ne li sa chese ka hare ho rona ka baka la Boteng ba Hae le mahlohonolo a Hae?" Morena, ho se tsebe seo nka se buang, ke ipeha ho Uena ka lipotso tsena, ka Lebitso la Jesu Kreste, bakeng sa karabo. Amen.

¹⁶ Kea leboha, metsoalle, ka tlhompho ea lona. Ke batla feela ho le bontša seo bongata, ba lipotso tsena e ne e le bofe.

Moena Bill, ke kopa u tsoelepele veke e tlang.

Ke kopa u lule veke e 'ngoe hape.

Ke kopa u lule haleletsana.

Moena Bill, ke kopa u lule vekeng e tlang, ho se hokae, meea ea rona e lapetse Lijo tsa mofuta ona.

Na kereke ee e ruta hore uena . . . Seo se loketse se be oetse ka mono. Seo se sebakeng se fosahetseng.

Ke na le bashanyana ba babeli, ba lilemo li peli . . . Ke hore, ke li kopantse, kea kholoa, ho eona. Joale, mona, ke mpe ke fetisetse seo ka mona, hape, ke taba e amanang le motho.

Moena Bill, na u ka—u ka thabela veke e 'ngoe hape? Re ka thabela veke e 'ngoe hape ea thuto ena ea Evangelii.

Kopo ea ka ke hore u lule veke e 'ngoe hape. Ke rata haholo hore u lule nakoana, u a tseba hore re lula re . . . ka mehla re ka ithuta ho eketsehileng.

Joale, na u tla lula veke e 'ngoe hape, ka kopo?

Moena Bill, ke kopa u re rerele veke e 'ngoe hape. Re hloka sena.

Moena Bill, thapelo ea ka ke hore Molimo a fetole mohopoloo hau le ho lulisa veke e 'ngoe.

Potso ea ka ke: Lipirinki tse fofang ke ling, 'me na ke ntho e tsoang ho Molimo e romeloang e le pontšo? 'Me ke kopa u lule veke e 'ngoe hape.

Ke kopa u lule veke e 'ngoe hape.

¹⁷ ('Me ena e ne e le kopo ea hau ho ea kerekeng, ho rapella motho e mong, le a bona, ho ea septele.)

¹⁸ Joale, e mong ke enoa ea itseng ke tla . . . ke—ke ananela potso ena. 'Me Molimo o Matlaohle E leng Moahloli oa ka, ea emeng mona joale sebakeng se halalelang sena . . . pele ke tloha hae, Moea oa Morena o mpoleletse, oa re potso ena e tla be e robetse mona bosiusa bona. Ke ne ke sa tsebe letho ka eona, empa ke tsebile hore e tla ba teng mona:

Na Lipaki tsa Jehova ke lequloana la bohata?

¹⁹ Le a bona, motho e mong . . . 'Me Moea o Halalelang, sebakeng seo . . . ho ema ka kamoreng ea ka ea ho hlapa, pele ke theohela mona; Molimo, Eo e leng Moahloli oa ka, o mpoleletse, "Seo se tla be se robetse kalaneng," le ho re nke ke ka "u se bue

letho ka eona; tsoela pele feela.” Le a bona? Kahoo ke . . . Le tseba seo ke se buileng maobane bosiu, ha ho joalo? Ho lokile, ke seo e neng e le sona.

20 Ho lokile, joale re tla qala mona ka tse ling tsa tsona.

21 Ha ke rate feela ho bitsa ntho e itseng phatlalatsa feela, le ho bolela motho ea itseng kapa mang ea joalo. Ke rata feela ho e ruta ka tsela . . . ho lahlela ntho eohle ‘moho.’ Me—’me le a utloisia, ha ho joalo? Ha nka ema mona ‘me ka re, “Joale, Moena Neville o *hore-le-hore* le ntho e *itseng-e-itseng*” . . . Haeba nka bua joalo ka eena, ke ne ke tla nyolohela ntlung ha hae ‘me ke mo bitse ‘me ke bue le eena ka eona. Le a bona, ke tla—ke ne ke tla bolella Moena Neville.

22 Empa joale, lipotso ling ke tsena. Joale, ha ke tsebe moo nka qalang, ke sehlopha sa tsona se robetseng mona. E re:

25. O ne o re kamano ke efe ea kereke ea Protestanta le kereke ea Katolike?

26. Ebe “setšoantšo sa sebata” se bolelang?

23 Joale, eo e ne e le e ‘ngoe ea lipotso ho tsoa ho tsa ho qetela . . . mohlomong e ne e holim’ a batho . . . Joale, ke tla leka kahohle, ka thuso ea Molimo, ho li araba ka bokhoni ba tsebo ea ka. Joale ha A ka mpha tsebo, hoba Molimo o a ntseba ke—ke sa tsoa li thonaka, mona sefaleng.

Joale, u ne u re kamano ea Protestanta le kereke ea Katolike ke efe?

24 Joale, ke tla araba eo pele, Molimo o thusa. Ke itse kereke ea Katolike e ne e le . . . Re fumana hore letšoao la sebata, bosiung ba ho feta, le ne le loketse ho tsoa Roma. Na ho joalo? Le ka se tsoe naheng e ‘ngoe haese Roma. Ke hona moo le lutseng teng, ke hona moo le behiloeng teng. ‘Me ka re ha ke na letho khahlano le batho ba Katolike, le letho khahlano le mang kapa mang. Rona bohole re batho ba lekang ho kena Leholidong.

25 Mopapa ke thaka le leng le rutang, moarekabishopo oa Canterbury ke e mong, le e mong, le e mong, le e mong; ‘me ke mpa ke le e mong oa mesuoe, ke phetho. Ba ne ba ruta ‘me ba re, mohlomong, ke ne ke le lehlanya ‘me ke fositse, le joalo-joalo. ‘Me ke na le tokelo . . . ha nka e paka ka Lengolo. Kapa ha ba ka e paka ka Lengolo hore ke lehlanya, etlaba ke lehlanya. Empa ha nka paka ka Lengolo hore ba fositse tlhophisong ea bona, etlaba e phoso; Lengolo le nepahetse. ‘Me ha u na sebaka se le seng feela joale, e tlamehile ho tla e haola Bibeleng, hohle.

26 Joale, ke itse, “Kereke e Katolike e ne e le kereke ea sehlooho,” ‘me eo ke ‘nete hantle. Kereke ea Katolike ke mme kereke, ha ho tluoa mekhatllong ea likereke. Kereke ea Katolike e bile kereke ea pele e kileng ea theoa, nka re ka . . . nalane e ntle ka ho fetisisa, u na le ka A.D. 606, kae-kae ka mono mohla bontate ba pele, lekhetlong la bobeli kapa la boraro, la baapostola.

Ba ne ba shoele 'me ba qala ho hasana ka mekhanyana. 'Me Baroma, ha ba sokoloha, 'Muso oa Roma o ile oa laola seteiti, eaba kereke le 'muso li kopana 'moho 'me tsa qala bolumeli bo bitsoang "bolumeli ba bokahohle." 'Me lentsoe *Catholic* le bolela "bokahohle." Ba hlophisa kereke, teng e le khetlo la pele bolumeli boo, bolumeli ba Bokreste, bo kile ba hlophisoa nalaneng eohle ea lefatše.

²⁷ Bolumeli ba Sejuda ha bo eso fetoloe mokhatlo le ka mohla. E ne e le batho ba lokolohileng. Ba ne ba ena le likereke, empa ba ne ba se na mokhatlo. Hore, Molimo o sebelitse le sechaba, e seng mokhatlo. E ne e le sechaba.

²⁸ 'Me joale. 'Me, hape, kereke ea Katolike e bile mokhatlo oa pele. Eaba re nka seo ka Bibeleng ho fumana hore na mokhatlo oo e ne e le eng. 'Me ho latela Lentsoe la Molimo, e ne e loketse ho laoloa ke monna a le mong, monna a le mong. 'Me monna eo o ne a tla ba ka har'a kereke e neng e lutse holima maralla a supileng Roma, ho latela Bibebe. Ha ho . . . 'Me o ne a lokela ho ba le matla a ho busa sechabeng se seng le se seng lefatšeng, matla a bolumeli a busang. Ha ho e 'ngoe lefatšeng.

²⁹ 'Me—'me Bokomonisi, re fumane, e ne e se letho—ha se antikreste eo Jesu a buileng ka een. Bokomonisi ke—ha se sechaba, joalo ka Rashia. Bokomonisi ke moea. Amerika e jeoe ke bona. Bo ka har'a likereke, bo har'a batho, bo khoebong, bo hohle. Bokomonisi, moea oa bona, bo likolong, bo malapeng, hohle.

³⁰ Eaba—eaba ha ba hlophisa kereke ena e neng e le khahlano . . . 'Me joale re nkile Mengoaha e Supileng ea Kereke, le boporfeta, hantle feela kamoo Molimo a li tlisitseng ho haola le Bibebe mona ho rona. 'Me re ile ra fumana ho ea ka histori le Bibebe, hore mongoaha o mong le o mong o kene hantle ho ea ka Bibebe, ho ea ka histori; o mong le o mong o kene ka nako eo, mengoaheng e lefifi. 'Me eaba kereke ea Katolike e bopeha Mongoaheng o Lefifi.

³¹ Eaba hlabollo e a fihila, e leng Martin Luther. 'Me Martin Luther o ne a ena le leseli, leseli leo "Ea lokileng o tla phela ka tumelo; ho beoa ea lokileng ka tumelo," ho—tlhabollong. Moprista oa Jeremane ea ileng a latola 'me a bolela hore ho ja selallo mohla a neng a se tšoere . . . 'Me ba ne ba loketse ho bua "ona ke 'mele oa Kreste," a se lahlela fatše, a re, "Ha se 'mele oa Kreste; ke sephaphatha!" 'Me ka hona a hanela kereke ea Katolike, ka ho etsa joalo, 'me a hlahella nchafatsong ea pele. Martin Luther o ile a etsa hoo, 'me eo e bile khato e babatsehang.

³² Joale, phoso, moo Luther a entseng phoso ea hae, Luther o ile a hlophisa sehlopha se seng joalokaha kereke ea Katolike e entse, a hlophisa batho.

³³ Joale, ka kotloloho, leseli le lecha lea hlaha. 'Me ha leseli le lecha le hlaha, Molimo oa tsoa le batho ba Hae. Batho ba neng

ba hlophisitsoe kahara kereke ea Luthere, ba ne ba tlameha ho lula le kereke ea bona hore ba tle ba be le... Ho joalo feela ka ha Makatolike a ne a loketse, empa Makatolike a mangata a ile a tsoa 'me e ne e le Maluthere. Be, mohla Wesley a tlang ka molaetsa oa khalaletso, eaba bongata ba Maluthere ba sitoa ho tlohela kereke ea bona; empa bongata ba bona bo entse, 'me ba bopa kereke ea Wesley.

³⁴ Eaba ka mor'a tokafatso le khalaletso, ha latela Pentekosta. 'Me eaba Pentekosta, ba bangata ba tsoa Methodise, le joalo-joalo, 'me ba fetoha Pentekosta hoba e ne e le leseli le fetisang ka boholo. Joale Pentekosta e hlophisitsoe hantle feela joalo ka e 'ngoe le e 'ngoe ea tsona!

³⁵ Joale, Bibebe e bolela seo... Ana ke mantsoe a bataletseng, empa ke tla a bala Bibeleng. 'Me u mamele ngaka ea hau, kapa joalo-joalo, ho bua sena, 'me ke moena oa lona ea rutang ho tsoa Lengolong. Bibebe e bitsa kereke ea Katolike "seotsoa, sehlola, s-e-h-l-o-l-a." 'Me A bitsa likereke tsa Protestanta tse e latelang, bommè... kapa e ne e le "lihlola tsa 'mè enoa." 'Me e ne e le khokahanyo e kakang, ke hore kereke ea Katolike e hlophisitse ntho eo 'me ea etsa hore batho bohle ba lumele hio latela leseli leo ba neng ba na le lona mohlang oo, kapa seo ba neng ba na le sona mohlang oo. Maluthere a etsa ntho eona eo. 'Me Bibebe e boletse hore e ne e le mosali e moholo oa mofuta oo.

³⁶ Joale ke mosali ofe oa mofuta oo? Ke mosali ea phelang 'me a feba. 'Me likereke li etsa bohlola ba moea le ba—le batho. Le a bona? Li a—li a... Ke ena Bibebe e rutang Sena, 'me ba etsa sehlapha sa litumeloana le tse joalo li sa amane le Bibebe ka letho. 'Me, hoba, mona e batla e le lilemo tse mashome a mabeli le *ho hong* ke eme hantle mona 'me ka kopa moreri ofe kapa ofe, neng kapa neng, ho tla le ho nka... e seng buka ea hau ea thuto, tumeloana ea hau, empa tloo u nke Bibebe, ka Leseli la Bibebe, le ho E paka e fosahetse. Le a bona? Ke hantle.

³⁷ Le mabapi le likhanyetsano, ba re, "Likhanyetsano!" Ke fane ka mopuputso oa likhoeli tse peli haeba motho a ka mpontša moo Bibebe e ikhanyetsang hang. Ha e eo. U nahana hore e teng, empa ha e eo. Haeba Bibebe e Ikhaneetsa, ha e thusé letho, u ke ke oa e lumela. Lentsoe le leng le le leng le bululetsoe 'me ha ho khahlano ka hare ho Bibebe.

³⁸ Joale kereke ea Protestanta, mokhatlong oa eona, ke (ho ea ka Lentsoe la Molimo) e hokahantse ntho eona eo le kereke ea Katolike.

³⁹ Joale, ha ke na letho khahlano le batho ba Katolike. E meng ea metsoalle ea ka e ratehang, e lutseng hantle mona joale, ke mahlomela a batho ba Katolike. Mona, bosiusg bo fetileng, ha ke ne ke fana ka molaetsa o boima ka Moea o Halalelang, mabapi le Protestanta le Katolike, Mokatolike o tsamaile hantle mona aletareng 'me a ntšoara ka letsoho. Ke batho ba tšoanang le rona.

⁴⁰ U ka se buisane le baprista ba Katolike, hobane ha ba lumele hore Bibele ena ke Lentsoe lohle. Ba re, “Ke kereke.” Re re, “Ke Bibele!”

⁴¹ Kaolike e re, “Rona Makatolike re ea kerekeng le ho rapela. Lona Maprotestanta le lula hae le bala Bibele.”

⁴² Ka re, “Yaa, u ea kerekeng le ho rapela, empa eng?” Ntho e latelang ke eo, le a bona.

⁴³ Joale, empa Molimo O itse O ne o le Lentsoeng la Hae. Lena ke Lentsoe la Molimo ’me ke a Le lumela. Ke morapeli oa Bibele. Ke lona lebaka le etsang hore ke se lumellane le Boprotestanta le—le mokhoa oa—oa mokhatlo oa kereke feela, hobane ba ruta lintho tseo e seng Lentsoe la Molimo. Kahoo ha ke khone ho ithusa ho se lumellane. Ha ke qabane le bona; che, monghali, ke baena ba ka. ’Me ha ke ba khelohelle, empa ha ke lumellane le bona hobane ke lokela ho nka seo Molimo a se bolelang ’me ke tlohelle tse ling tsohle e be leshano. Le a bona?

⁴⁴ ’Me joale ke eona khokahanyo eo...’Me joale Bibele e boletse hore mosali enoa, kereke ea Katolike, e neng e loketse ho bitsoa, ka Bibeleng, Tšenolo khaolong ea 17, “Sehlola,” ’me e ne e le, “MA LIOTSOA.” ’Me re bona hore Bibele e boletse hore *mosali* o emetse “kereke.” Ka hona haeba a ne a le barali bao e leng liotsoa, e ne e ke ke ea ba bashanyana; e ne e tlamehile ho ba barali, ka hona e ne e loketse ho ba likereke. ’Me Protestanta e tsoetsoe ke Katolike.

⁴⁵ ’Me joale e latelang, sebata... Kapa, ntho e latelang e boleloang ke sena:

Ebe “setšoantšo sa sebata” se bolela’ng?

⁴⁶ Ke—ke potso e kopanelang seo, ’me motho ea e botsitseng o na le potso e ntle. Ho etsang joale, haeba... Bibele e ruta ka ho hlaka hore kereke ea Katolike ke ke—ke sebata. Bibele e boletse hore *sebata* se bolela “matla.” Na ho joalo? *Sebata*, Bibele e re *sebata* se ne se bolela a “matla.” ’Me *sebata* e ne e le “Motse oa Vatican,” e leng “Boholo ba Katolike.” Ho lokile. ’Me, joale, ao e ne e le matla a kereke eo e neng e le sebata.

⁴⁷ Eaba kereke ea Protestanta e tsoa kerekeng ea Katolike, ’me ea itlhophisa, matla manyenyane. Seo ke setšoantšo.

⁴⁸ Haeba ntho e le teng... Haeba ntho e entsoe ka setšoantšo sa ka, e ne e tla tlameha ho shebahala joaloka ’na. Haeba ntho e entsoe ka setšoantšo sa kereke ena, e tla lokela ho shebahala joaloka kereke.

⁴⁹ Ho entsoe ntho, sebata...ea etsa setšoantšo sa sebata sena, e neng e le Luthere, Methodise, Baptistism, Pentekosta, Holinessism, tseo tsohle *li-isms* tsa ipopela mokhatlong ’me tsa etsa setšoantšo se tšoanang le sa sebata. Ke eo!

⁵⁰ Joale, "Na u bolela hore, Moena Branham, hore Makatolike kaofela, Mamethodise kaofela, le Mabaptise kaofela a ea . . . ?" Ha kea rialo.

⁵¹ Ho na le likete le likete le mashome a likete a Bakreste ba tsoetsoeng labobelikerekeng tseo. Empa, mokhatlong oa bona, ba leka ho ba khannela tumelong, 'me ba hana ho e emela. E—e kereke, ha e hlophisa, e kena tlas'a tumeloana.

⁵² 'Me ha ke na tumeloana haese Bibebe. *Ena* ke Tumelo ea Molimo, 'me Moea o Halalelang ke Toloko ea Hono, 'me O E hlahisa ho tloha Leseling le leng ho ea ho le leng. Evangelie eo ke e bolelang kajeno, ha nka phelala ho bona lilemo tse ling tse lekholo, ha re ka khona, ho tla ba le Leseli le eketsehileng. Kamehla, E tla kamehla.

⁵³ Le kile la palama kariki ea likhomo, ntatemoholo oa hau, ha ne a etela nkhono. Ntate o ne a etela 'mè ka T-Model. Empa joale re batla re tsamaea ka sefofane sa jete. Le a bona, re tsoelapele; mahlale, ho tsoelapele; thuto e tsoelapele; Evangelie, e tsoelang pele. 'Me Bibebe e ba tlalehile, e itse, "Ba tla mathela koana le koana, 'me tsebo e tla eketseha." Kahoo ke eona kopano. Ke ka lebaka leo ho nang le . . .

⁵⁴ Kereke tsa mekhatlo ea Protestanta ke setšoantšo sa sebata, hobane e hlophisitsoe hantle feela joaloka Katolike. 'Me ha ho mohla Molimo a kileng a laela Kereke ea Hae ho hlophisoa mongoaheng ofe kapa ofe, empa esale a e nyatsa habohloko! Joale na le a e utloisia? [Phutheho e re, "Amen."—Mohl.] E seng batho; kereke!

⁵⁵ Ha ba leka ho tlisa batho tlasa e—e leseli la . . . Mona, ho ka thoe'ng ha batho ba ka leka ho u khutlisetsa morao 'me u qale u matha hohle ka kariki ea likhomo? U ke ke ua e emela; re phela mehleng e hatetseng pele. Ho joalo morao mono. Haeba motho a leka ho mpolella, "Oh, ntho feela eo u lokelang ho e etsa ke *sena, sane.*" Ke phela mongoaheng o mong! Ke . . . Ke bothata ba bareri, ba lula ba sheba morao.

⁵⁶ Mona, rasaense oa Lefora o itse, ka tlase ho lilemo tse makholo a mararo tse fetileng, "Hola motho a ka etsa lebelo le tšabehang la limaele tse mashome a mararo ka hora, matla a khoheli a ka mo tlosa lefatšeng. Limaele tse mashome a mararo ka hora!" Be, na u nahana mahlale a ka bua ka taba eo kajeno? Lekhale bo! Che, monghali. Ba mo mathisa ka limaele tse ka bang makholo a robong kapa a leshome ka hora. Yaa, kapa ka nako tse ling ka rokete, 'me ke limaele tse sekete le makholo a tšeletseng ka hora. 'Me le joale e mo isa pele!

⁵⁷ Mahlale a isitse motho pele, ho ea pele, lintho tse kholo ka kelello ea hae ho feta eng . . . 'Me ke eona feela ntho eo a nang le eona, ke sefate sa tsebo. Hole ho feta moo bareri ba mo isitseng ka Moea oa Hae, o se nang moeli. Empa seo e leng sona ke sena. Mahlale ha a hetle morao ho seo mahlale a se buileng lilemong

tse 'maloa tse fetileng; mahlale a nka seo ba nang le sona joale 'me a hatela pele nthong e 'ngoe.

⁵⁸ Empa ha u botsa moreri; "Be, re tla bona seo Moody a se buileng ka Lona, re tla bona seo Wesley a se buileng ka Lona." Ha ke tsotelle seo ba se buileng ka Lona. Ke tseba seo Molimo a se buileng ka Lona *joale*. Ena ke Eona, 'me ke sa ntse ke batla e kholoanyane! Ke phetho. Ke lona lebaka . . .

⁵⁹ Bibebe e boletse, "Meea e meraro e litšila e tsoa molomong oa sebata." Na u a tseba keng? Eona "meea e litšila," ha thoe, "e kang lihohoana." Na u kile oa hlokomela kamoo senqanqane se shebang kateng? Senqanqane se lula se shebile morao, ha se shebe pele; ho hetla morao, kamehla morao, ho hetla morao.

⁶⁰ Empa libupuoa tse 'ne tse nang le lihlooho tse 'ne tse fapaneng, ho Ezekiele, li ne li lebeletse pele 'me li ne li sa khone ho khutlela morao. Li ne li hatela pele ka nako tsohle. Hohle moo li eang teng, li ne li toba pele li lokile feela. Le bona phapang?

⁶¹ Joale, ke eo kamano ea Boprotestanta le Bokatolike.

⁶² Ka hona u lula u khethula Makatolike, empa "pitsa e ke ke ea re ketlele e 'ntšo." Ke hantle.

⁶³ Ke re, "Na u Mokreste?"

⁶⁴ "Ke tla batla u utloisise hore ke setho sa kereke ea Baptise." Yaa. Hoo ha ho amane le Eona ho feta ho re u setho sa . . . polasi kae-kae.

⁶⁵ "Khele, ke setho sa kereke ea Katolike." Seo se sa ntse se sa u etse Mokreste. Ho ba setho sa kereke ea Baptise kapa Methodise ha se u etse Mokreste.

⁶⁶ Mokhoa oa ho ba Mokreste o mong feela. Lentsoe *Mokreste* le bolela "joalo ka Kreste." 'Me u ke ke ua e etsa, u ke ke ua iketsetsa eona ka bouena, ha ho kamoo u ka e khonang. U tlameha ho itebala, ho ichoella, le ho lumella Kreste ho kena le ho phela Bophelo ba Kreste ka ho uena.

⁶⁷ "Ekare ha motho a sa . . ." Seo Jesu a se boletseng ke sena, "Ekare ha motho a sa tsoaloe ka Moea le ka metsi, a ke ke a kena 'Musong le ka mohla o le mong." Leha e le Mokatolike, Methodise, Baptise, kapa eng feela, u tla lokela ho kolobetsoa metsing tšoareleng ea libe tsa hau le ho amohela kolobetso ea Moea o Halalelang, ho seng joalo u lahlehile. Leo ke Lentsoe la Jesu ka Sebele. Joale ha u le Methodise, 'me u amohetse kolobetso ea Moea o Halalelang, 'me u kolobelitsoe ka metsi, Jesu u itse u tla kena Lehelimong. Ha u le Mokatolike 'me u entse ntho e tšoanang, u tla kena Lehelimong.

⁶⁸ Empa ha u ntse u itšoarella tumelong eo ea kereke ea Katolike, kapa Methodise, kapa kereke ea Baptise, u ntse u lahlehile. 'Me ke lona lebaka leo re leng maemong a lefatše, re nang le 'ona kajeno, hoba batho ba mpa feela . . . Ba re, "Hoo ho khahlano le tumelo ea ka."

⁶⁹ “U lumela pholisong ea Khalalelo?”

⁷⁰ “Hoo ho khahlano le tumelo ea ka.” Hoo ho khahlano le kereke ea hau; tumeloana ea kereke ea hau e iqapetse hoo, u a bona, u tlameha ho etsa seo kereke e se buang. ‘Me ebe u hoeletsa Katolike; ke eona ntho eo ba e etsang. ‘Me seo ke sebata le setšoantšo sa sebata! ‘Me Bibele e re, “E mong le e mong ea le nkileng o ne a sitoa ho kena ‘Musong oa Lehlimo, empa o ne a tla lahleloa kantle moo ho leng lintja le baloi, le joalo-joalo, ‘me ba tla hlokofatsoa ka mollo le sebabole, pontseng ea Mangeloia halalelang le Konyana, ka ho sa feleng.” Tsoa ho eona, motsoalle! Lokisa litaba le Molimo! E, monghali.

⁷¹ ‘Me joale e re ke nke ena. Be, re tla li tlosa tseleng. Joale, e mong o ile a mpotsa kajeno; habeli kapa hararo ke e botsitsoe.

27. Moena Branham, ha u bua ka “letšoao la sebata,” na ha u lumele ba tla tlapisa nyao ea nomoro hloohong ea hau, kapa ba tla tlapisa nyao ea mofuta letsohong la hau? Che, monghali! U se ke oa batlana le seo le ka mohla.

⁷² E tla ba khanyetso! Ka sebele! “Ha ho motho ea neng a ka reka kapa a rekisa e se setho sa konfederasi ea likereke.” Ke ’nete. Joale, e tla tla joalo ka kopano, ho kopanya ntho eo, ho e theolela bolumeling bo kopaneng. Tšoaea lentsoe la ka, ha e sa le hole! U tla e bona, e haufi ka sekhutlong.

⁷³ Lebaka leo ka lona le sa tsebeng lintho tsena, le lapeng mona ka linako tsohle. Ntatele koana linaheng tsena moo Katolike e laolang, ka nako e ’ngoe, ‘me u bone se etsahalang. Moena, ba ba bolella bohole seo ba lokelang ho se etsa le seo ba sa lokelang ho se etsa.

⁷⁴ ‘Me mona Bibele e bolela hore United States, re e thonakile boporofeteng, ho nyoloha joalo ka *konyana*, “tokoloho ea bolumeli,” ‘me ka kotloloho ba kopanya lintho tseo ‘moho, ‘me e ne e bua joaloka drakone ‘me ea etsa ka matla a tšoanang le a drakone pele ho eona. Ke U.S.A.! Ke hantle.

⁷⁵ Moreri e mong o mpoleletse haufinyane, motsoalle oa ka, a re, “Moena Branham, Molimo a ke ke a lumella United States ho oa, ka lebaka la motheo oa baholo-holo ba eona, e thehiloe holim’ a bolumeli.”

⁷⁶ Ka re, “O lumeletse Bajuda; ehlide ba ile ba haptjoa, ‘me ba ne ba eme ho feta rona.” Ke hantle. Molimo ha o hlomphe moloko o itseng o fetileng; u tsamaea moleng kapa u tsoile ‘Musong, ke phetho. Ruri! Ho thata haholo, empa e molemo ho lona. Ke hantle. Ke Lengolo. ‘Me re na le, rona . . .

⁷⁷ Bothata ba eona, kajeno . . . Ba bang ba lona maqheku le tseba sena. Re fumana boevangeli bo bongata haholo ba Hollywood. Ke hantle. Bongata ba seo ka boqhetseke bo bongata le ho tsoelapele, bokhabane bo bongata le ntho e ’ngoe le e ’ngoe e joalo, le manaka a letsoang, joalo-joalo; le, “Ke mang ea tla

ema 'me a amohele Kreste e le Mopholosi oa sebele? Molimo a u hlohonolofatse, moena, u ea Leholimong hona joale." Ke leshano! Ke leshano!

⁷⁸ "Ha motho a sa tsoaloe labobel!" 'Me ha a tsoetsoe labobel, lona Lehlohonolo leo le tileng ho eena mono le tla tla ho eena mona. 'Me re fetile mono, hape le hape, le Mangolong vekeng e fetileng. Le ho fumana hore bathong ba Bochabela, ha Moea o Halalelang o ne o theohela holim'a Bajuda, bao e neng e le batho ba bochabela, ba Bochabela, Moea o Halalelang o theohile ka lipontšo tse kholo le liponahatso. Bibebe e boletse ho tla ba le e—e nako mohla e ke keng ea bolela, ho kang lefifi kapa motšehare. E batla e le letsatsi le koahetsoeng ke maru, ho ea fihla karolong ea ho qetela ea mantsiboea. 'Me letsatsi le ne le tla chaba metsotsot e 'maloa qetellong, mantsiboea. "Ho tla ba Leseli mantsiboea." Na ho joalo? Be, ke batho ba Bophirima, Balichaba, ba amohele 'ona Moea o Halalelang oo Bajuda ba o amohetseng morao mono, ka lipontšo le liponahatso tse tšoanang. Ke phetho.

⁷⁹ 'Me, ehlile, batho, lefatše le tla u bits "mocheseheli, ea phatlohileng hlooho." Bibebe, Jesu o itse ba tla e etsa. Le batho ba sa tloaelehing, 'me ha le a tloaeleha hobane Le fapanane haholo.

⁸⁰ Ke e hlokomela tikolohong ea heso lapeng, batho ba mono. Bona, esita le bana ba ka ba banyenyane; re leka ho ba boloka ba hloekile le ho phela ka mokhoa o hlomphehang kamoo ho ka khonehang, empa u ka shebella baahelani ba etsa phapang baneng. Le a bona? Ba etsa phapang.

⁸¹ 'Me ke a tseba, ke na le mokhoa oa ho tseba lintho ('me le tseba seo, le e bone kopanong), ho tseba hore baruti ba motse ba re, "Be, joale, Billy ke moshanyana ea lokileng, ha re na letho khahlano le eena. Empa, le a bona, ke sehlopha se fapaneng sa batho ho feta sa rona." Ho lebohuoe Molimo! Ke hantle. Ho lebohuoe Molimo! Ke leo Letšoao. Ke leo Letšoao leo re buang ka lona.

⁸² Sheba, bosius ba maobane, ha Moea o Halalelang o ne o bolela, lilemo tse makholo a robong pele Bajuda ba amohele Moea o Halalelang, le ho ba bolella seo e tla ba sona. "Lenaka la enke, monna ea lenaka la mongoli o ile a pholletsa le Jerusalema 'me a beha letšoao liphatleng tsa bona." Na ho joalo? O buile ka Eona pele kereke e ahloloa ke Molimo. 'Me Titase a thibella marako a Jerusalema, ka A.D. 96, 'me a chesa motse. 'Me ho ne ho se lejoe le leng le setseng holim'a le leng, ho ea ka boporofeta. 'Me, kajeno, ntho feela eo e ba saletseng tempeleng ke lerako la khale le robetseng mono moo ba neng ba bokeletse majoe, 'me le silitsoe boreleli ke Bajude ba llang ba bokolla mane Lerakong la Lillo, ntho e le 'ngoe e setseng ea tempele. 'Me Moslem oa Omar o eme nqalong eona eo.

⁸³ 'Me Jesu a re, "Joalokaha ho boletsoe ke moprofeta Daniele; ha le bona manyala a bofeliso a eme Nqalong e halalelang,"

eaba O e ralla mola, ka masakaneng, “(ea balang a utloisise.)” Le a bona? Ke hantle. E ne e le eo. ’Me A bolela hore ke letsatsi le le kae...nako e ne e tla ba ho fihlela Balichaba ba...lekhathet le khaoloe; ba hatakela marako, ebe Molimo o tla khutlela ho Bajuda. ’Me re nakong hantle! Ke mona Bajuda ba khutla, ka likete, lilemong tse ’maloa tse fetileng. ’Me le a tseba kamoo re fetileng ho eona maobane bosiu, kamoo Lengolo le phethahetseng kateng...joalo ka ho bala koranta, ’me ka ho hlaka ho feta hoba u fumana kutloisiso e fetang ho Eona ka nako eo.

⁸⁴ Empa, leha ho le joalo, Letšoao le neng le behiloe lihloohong tsa bona e ne e se nyao. E ne e le eona? E ne e le Eng? Kolobetso ea Moea o Halalelang. ’Me Letšoao le tläng ho balloa letsatsi lee la ho qetela ke lefe? Bibele e boletse, “Tiiso ea Molimo e ne e le kolobetso ea Moea o Halalelang, bakeng sa batho ba tsatsi la ho qetela.” Joale ha ho...Baefese 4:30, “Ha ho le joalo le se ke la soabisa Moea o Halalelang oa Molimo oo le tšoatsoeng letsatsi la topollo ea lona ke ’ona.” Bibele e a bua. ’Me Baefese 1:13 e bua ntho e tšoanang, libaka tse ling tse ngata, ho thoe “Moea o Halalelang ke Tiiso ea Molimo.”

⁸⁵ Tiiso ke eng? Tiiso e ke ke ea beoa holim’ a eng ho fihlela e phethehile. MaLuthere a ne a sa tiisoa, letsatsi la kabo ea mohau ha le eso phethehe; ba ne ba rera tokafatso. Mametholise ha a ka a tiisoa. Ke fihla potsong mona; re tla fihla ho eona nakoananeng—kamora nakoana. E ne e sa tiisoa, hobane e ne e sa phethoa. Empa kolobetso ea Moea o Halalelang ke phetheho ea mesebetsi ea Molimo!

⁸⁶ A rialo “Ho le ba bararo ba pakang Lehelimong: Ntate, Mora, le Moea o Halalelang, ’me ba bararo bana ba Bang.” U ke ke oa ba le Ntate kantle ho Mora, Mora kantle ho Moea o Halalelang, ba Bang.

⁸⁷ A re, “Ho le tse tharo tse pakang lefatšeng: metsi, Mali, Moea, ’me ha se ntho e le ’ngoe empa li lumellana ka ntho e le ’ngoe,” ke uena eo, “ka tiiso e le ’ngoe e felletseng.” Tokafatso tlasa Luthere, metsi; khalaletso ka Mali.

⁸⁸ Tokafatso e ne e le Baroma 5:1, “Ka hona ka behoa ba lokileng ka tumelo re na le khotsa le...Molimo ka Morena oa rona Jesu Kreste.” Tokafatso ka tumelo!

⁸⁹ Khalaletso ka Mali, Baheberu 13:12 le 13, “Jesu o utloile bohloko kantle ho monyako hore A tle a halalatse batho ka Mali a Hae ka Sebele.”

⁹⁰ Luka 24:49, “Bonang, Ke le romela pallo ea Ntate oa Ka, empa le lule motseng oa Jerusalema ho fihlela le apesoa Matla a tsoang Holimo.” Liketso 1:8, “Hoba Moea o Halalelang o theohèle holim’ a lona, ’me le tla ba lipaki tsa Ka Jerusalema, Judea, Samaria, le ho isa lipheletsong tsa lefatše.” Kolobetso ea Moea o Halalelang e ne e tla tšoarella ho fihlela Jesu a khutla

hape! “Ho se ho se hokae ’me lefatše ha le sa tla Mpona, empa lona le tla Mpona hobane Ke tla ba le lona, le ka ho lona, ho isa bofelong ba lefatše; ho etsa e—e lintho tseo Ke li etsang, le lōna le tla li etsa.” Ka Moea oa Hae o sebetsang ka Kereke! A re, “Le tla songoa.” A re, “Ba mpitsitse, ’na Mong’ a ntlu, ‘Belsebule, “mookameli oa linohe,”” a re, “ba tla bitsa ba ntlu ea Hae hakakang?” Ho re, “Ho lehlohonolo lona ha motho a bua lintho tsohle ka lona, thabang le nyakalle ka ho fetisia, hobane mopuputso oa lona o moholo Leholimong; hobane ba hlorisitse joalo baporofeta ba bileng teng pele ho lona.”

⁹¹ Seo ke Lengolo, u a bona. Ke eo moo E leng teng. Ka hona, u a bona, u tlameha ho ba le Eona feela, motsoalle. Joale u tlameha ho etsa khetho ea hau; u motho ea lokolohileng ho ikhethela.

⁹² Empa ke eona kamano le kereke ea Protestanta le kereke ea Katolike. ‘Moho ka bobeli, ho ea ka Bibebe . . . ea itšoarellang ka kereke feela; e seng Jesu, joale, ho kereke. Batho ka kerekeng ba itšoareletseng ho Jesu Kreste le ho rapela Molimo ho bula tsela le ho ba etsa . . . ho ba fa Leseli, motho eo o pholositsoe, ha ke tsotelle hore o kena kereke efe. Ke hantle. Empa ha a itšoarella feela ho mokhatlo oa hae oa bolumeli, o nkile letšoao la bokoenehi, e lerng ho nka sebaka sa kolobetso ea Moea o Halalelang. Khahlano! ’Me Katolike le Protestanta, bobeli ka ho tšoana, Bibebe e boletse, “E ne e le sehlola; e ne e le liotsoa, barali ba hae.” Na hoo ho hlakile joale? Ho lokile.

28. Kahoo o Halalelang . . . Na Moea o Halalelang o sa ntse o fuoa ka peo ea matsoho? Barutuo ba entse sena, Petrose, Pauluse, joalo-joalo, ’me na ho ntse ho ka etsahala? Pauluse o O amohetse ka mokhoa ’ona.

⁹³ E, moena ea ratehang, khaitseli, mang kapa mang ea ngotseng e—e ntlha. Moea o Halalelang ka sebele o tla amoheloa ka peo ea matsoho.

⁹⁴ Joale, batho ba bangata ba mpitsa . . . joaloka ha ke tšoailoe ke le Mopentekosta, ho re ke ne ke le Mopentekosta. Ha ke eso be setho sa mokhatlo oa Pentekosta. Ke lokolohile mekhatlong eohle, ’me ka thuso ea Molimo ke ikemiselitse ho lula ke le joalo, Hobane ke khona ho ema sekheong le ho re, “Re baena! Tloong koano, re tle re rerisane ‘moho.’”

⁹⁵ Mohla ke neng ke qala morao mono, ka mohau oa Molimo . . . ’Me lona batho mona, le bangoli ba ka le ba lutseng mona ba ntse ba tseba, nka kopana le batho ba limilione tse leshome, kapa ho feta, lefatšeng kajeno. Mokhatlo o mokakang o neng o ka qaloa! Le a bona? Ke hantle. Empa ha ke batle mokhatlo, o khahlano le Bibebe. Ke leka ka hohle ho pholosa batho ba ka hara mokhatlo. Ke eona ntho eo. ’Me tšusumetso efe eo Morena a mphileng eona nqa batho, ruri ke tla e sebelisetsa khanya ea Hae sebakeng sa ho e bea mokhatlong o itseng. Ke

sla e beha ho Jesu Kreste moo e lokelang. Ha ho mokhatlo o ka u pholosang; ho nka Mali a Jesu Kreste.

Empa joale, peong ea matsoho, joale, ke tla fapano le eona...

⁹⁶ Joale, lona batho ba ratehang ba Pentekosta, joale le se ke la ntlhanonela. Empa joale ha u fihla sebakeng ho thoe, "Re tla ea emela Moea o Halalelang," ke lentsoe le lekaakang le sebelisitsoeng ka har'a Pentekosta!

⁹⁷ 'Me ke tla bolela sena ka seo... ho se utloise maikutlo a hau bohloko. Tšehetso ea ka e kholo tšimong ke batho ba Pentekonta, hobane ba lumela molaetsa oa pholiso ea Khalalelo le matla a Molimo. Ba bang kaofela ba soenya nko tsa bona nqa Eona.

⁹⁸ Empa batho ka bonngoe feela ka ntle ho kereke, ba reretsoeng Bophelo Bosafeleng, ba tla tla. Ke phetho. Empa ba seng joalo, ba ke ke ba tla; 'me Molimo o boletse, ho re, "Ba ne ba rereloe tsuo esale pele." Ha O rate ha mang a ka timela, empa, ka ho ba Molimo, O bone ba tla E ahlola. Kahoo ho—ke phetho, O e bone esale pele. 'Me ke seo boitsebelopele ba Molimo bo leng sona, ho bona lintho tseo. 'Me O boletse esale pele moo Kereke e tla be e eme hantle ho fihlela lena la kajeno. 'Me Molimo o e tsebile ho tloha tšimolohong. Pele lefatše le theoa, O tsebile hore kereke e tla ema kamoo e leng ka teng kajeno. O tsebile pele lefatše le theoa ke tla be ke eme sefaleng sena bosium bona. Ke Molimo; O tseba pheletso ho tloha qalong.

⁹⁹ Joale, joale, batho ba Pentecosta ba rutile... Joale, mohlomong ke tla khutlela ho haholo ho Sena, empa ke tlameha ho tšepahala ha ke loketse ho tla Lentsoeng. Ha ho na ntho e joalo ka "kopano ea ho leta." Esale le fositse. Ho leta ha ho boelele ho "rapela." *Leta* e bolela ho "ema." Ka mora nyolohelo, kamora Jesu Kreste... thakhiso, ho hloekiso ha nqalo e halalelang. 'Me kamora Letsatsi la Lipheko, tsoho... Letsatsi la Tefello, mohla A ne a bolaoa, 'me ke matsatsi a mashome a mane ho fihla nyolohelong, e ntano ba Pentekosta. Lentsoe *pentekosta* le bolela "mashome a mahlano," e ne e bolela matsatsi a mashome a mahlano ka mor'a nyehelo ea Lipheko.

¹⁰⁰ 'Me kamora hoba Tefello e hlahisoe, ntho e 'ngoe le e 'ngoe e ne e loketse ho lhahella e phethahetse, ka tlhaku, ho ea ka thutafatše, ntho e 'ngoe le e 'ngoe kamoo Molimo o e boletseng. 'Me Pentekosta, e ne e le nako ea mokete oa thabo, mohla ba tlisang litholoana tsa pele tsa kotulo 'me ba keteka jubile.

¹⁰¹ Joale, tholoana tsa pele tsa—ea Kereke, Kereke ea Moea o Halalelang, Kereke e neng e tla tšoarella lilemo tsena tse likete tse peli ho fihlela Jesu a khutla, tholoana ea pele e fihla ka Pentekosta. E ne e le matsatsi a leshome pele ho nako ea Pentekosta; e ne e le matsatsi a mashome a mane ka mora tlhloekiso, ka mora ho bolaoa ha sehlabelo, ho fihlela nyolohelong

ea Jesu Kreste. A re, “Nyolohelang Jerusalema ’me le eme ho fihlela le apesoa Matla a tsoang Holimo.” Liketso 1 . . .

¹⁰² Liketso 2, “Me Letsatsi la Pentekosta ha le se le fihlile, ba ne ba le nqalong e le ’ngoe, tulong e le ’ngoe. ’Me hang ha utloahala molumo o tsoang Leholimong o kang oa moea o fokang ka matla, oa tlala ntlu eohle eo ba lutseng ho eona. Me bohole ba tlala Moea o Halalelang, ’me ba qala ho bua ka lipuo tse ling, joalokaha Moea o ba neile ho bua.”

¹⁰³ ’Me ebile lefatše la bolumeli, kantle, likereke tse kholo tsa molao, tsa nyoloha ’me ba bone batho bao ba thekesela ’me ba itšoere joaloka batho ba tahiloeng. ’Me ba nyoloha ’me ba ba tšehe le ho ba soma, ba re, “Shebang sehlopha sena sa Bagalilea! Ba tahiloe kaofela!” Na le bona kutloisiso e phoso?

¹⁰⁴ ’Me ho motsoalle oa ka oa Katolike, moroetsana ea lehlohonolo Maria o ne a ena le bona. ’Me efela ha Molimo O sa mo lumella ho tla Leholimong a sa amohela Moea o Halalelang le ho ba joalo, u nahana hore u tla fihla mono ka ntho e katlasana, khaitseli? Che. Kahoo tloong re theohe pere ea rona e boikakaso, ha re theoheng.

¹⁰⁵ U se ke ua ela hloko seo lefatše le se buang. Sheba seo Molimo a se bolelang! Lena ke Lentsoe la Molimo. Re tlameha ho e haha ho latela polane *ena*, hoba O itse ho Petrose, “Holima lejoe lena Ke tla haha Kereke ea Ka ’me likhoro tsa lihele li ke ke tsa E hlola.” Tse ling tsohle li tla etsahala. E bontšitse likhoro tsa lihele li tla ema khahlano le Eona, empa e ke ke ea hlola. ’Me batho ba nahana hore ba ka E thibela? U ka emisa letsatsi kapele. Ke hantle. U ke ke oa E thibela. Molimo o E rerile ho tsoela pele.

¹⁰⁶ Mona mohla ke neng ke sokolohaha, esita le ’mè oa ka oa *mofutsana* morao mane o ne a nahana hore ke a hlanya. ’Mè matsale o ile a re, “U lokela ho romeloa setsing sa mahlanya.” Bareri ba motse ba re, “U tla cha haufinyane.” Esale ke tuka nako e telele. Ke ho tuka moeeng, ho eketsa molemo ka linako tsohle. Hobaneng? E ke ke ea cha, Ke Molimo! Sebakeng sa ho cha, E hasane ho pota lefatše joale.

¹⁰⁷ Ntho eona eo A e boletseng mohla ke kolobetsang hantle tlase mona Nokeng ea Ohio, bongata ba lona bo ne bo eme mono, lilemo tse mashome a mabeli a metso e meraro tse fetileng, hantle Nokeng ea Ohio. Leseli Leo, Lengeloi, ho theohela hantle moo re neng re le teng, ’me a re, “Joaloka ha Johanne Mokolobetsi a rometsoe e le moetellipele oa ho Tla ha Jesu Kreste la pele, Molaetsa oa hau o tla tlisa ho Tla ha Jesu Kreste labobel.” ’Me e entsoe. Ke e . . . Ha a eso fihle, empa shebang seo e se entseng, e hohotse lefatše, ho pota. Le a bona? ’Me kajeno, nahananang feela, ’me e—boiteko bo entsoeng, ka nepo ho hlahile limilione.

¹⁰⁸ Esita le *Moeti oa Sontaha* sa Katolike o buile ka eona, ka limilione tse kae tse tlileng, ka boikitlaetso feela.

¹⁰⁹ Ba bang ba utloa, ba re, “Seo ke ’Nete! Ke itokiselitse ho ithekisa hona joale, linthong tsena tsa lefatše, le ho ea bolela Evangeli ea sebele.”

¹¹⁰ ’Me ke lona lebaka leo ba re bitsang ka lona “Evangeli e felletseng,” ba soma Evangeli e tletseng. Empa, moena, ha ke batle halofo ea letho, ’na...e lokela ho ba ntho eohle, ho ’na. Haeba karolo ea Lona e le ntle, karolo e ’ngoe ea Lona e ntle. Evangeli e tletseng!

¹¹¹ Joale, hlokamelang, Moea o Halalelang o khutlela mono. Batho ba Pentekosta ba ile ba ema, “’Me hang ha utloahala molumo o tsoang leholimong o kang oa moea o fokang ka matla, oa tlala ntlu eo ba lutseng ho eona.”

¹¹² Ha ho mohla ba kileng ba tlameha ho ema kamora moo. Eare ha Petrose a bua Mantsoe ana ho Balichaba, Moea o Halalelang oa theohela holima bona, le pele ba kolobetsoa. Na ho joalo? Leha ho le joalo, Liketso 10:49...

Empa eare Petrose a sa bua mantsoe ana, Moea o Halalelang oa theohela holim'a...ba utloileng lentsoe.

Le bona ba lebollo...bohle ba tlileng le Petrose ba holloa, hobane...holima Balichaba...neo ea Moea o Halalelang e tšolotsoe.

Hobane ba ba utloile ba bua ka lipuo, 'me ba tlotlisa Molimo. Eaba Petrose o re,

Na motho a ka hanela metsi, ka ho bona bana ba tlameha...o amohetse Moea o Halalelang joaloka ha re o fumane tšimolohong?

'Me a lieha 'me a kolobetsa...a laela hore ba kolobetsoe ka lebitso la Jesu Kreste!...

¹¹³ Ke hantle; ha se ho ema, ho leta ha ho eo. Tsela ea boapostola, Molimo o ne o eso bee molao; ha pelo e lapile, O tla u fa seo u se lapetseng. Ha u batla Moea o Halalelang, O ka theohela holim'a hau hona joale.

¹¹⁴ Petrose, mohla a theohang ho rera, Petrose o ne a nkilke linotlolo tsa 'Muso. Ke loketse ho finyella potso eo metsotsong e seng mekae. O ne a nkile linotlolo tsa 'Muso. O E buletse holimo tlung ea Kornele. A E bula, ho theohela ho Basamaria, a E bula holimo mona; empa hopolang hore Filipi o ne a theohetse mono 'me a ba rerela 'me a ba kolobetsa ka Lebitso la Jesu Kreste, 'me Petrose a theoha a ba Bea matsoho. 'Me, joale, o entse se seng, bakeng sa senohe seo tlase mono... Ba e-na le Simone oa senohe, a re, “Ke tla u beela chelete, ho mpha Neo eo, hore mang kapa mang eo ke mo beang matsoho a amohele Moea o Halalelang.” Na ho joalo? Ntho e ne e etsahetse! (Ha se liareka-bishopo ka k'holoro e hetlileng morao, ba tlileng ba ba Bea matsoho, a re, “Ke u fa lehlohonolo la boapostola.”) Se seng se ile sa etsahala ha Petrose a ba Bea matsoho; le ha ba ntse ba etsa joalo.

¹¹⁵ Ke ba bone ba oa joalo ka litšintši joalo, ha Moea o Halalelang o ba otla, ka peo ea matsoho. E, ke eona eo—eo thuto ea boapostola ea ho bea matsoho. Molimo a u hlohonolofatse. Haeba u fapané le seo hanyenyane, feela u ngolle molaetsa hosane bosiu. Ho lokile.

29. Hoja peli-tharong ea batho ba lefatše e ka utloa . . . eso utloe Evangeli, Lentsoe la Evangeli, ke ha kae . . .

Ke kōpa tšoarelo. E ngotsoe ka enke, 'me ke fufuleletsoe mona 'me o rothela holim'a eona. Ha re boneng.

Haeba karolo ea peli-tharong ea batho ba lefatše ha e-so utloe Evangeli, Morena oa rōna a ka tla joang joale, kaha ba eso utloe Evangeli, peli-tharong ea bona?

Be, ke hantle haholo. Ke tla u bolella seo ke se nahantan.

¹¹⁶ Ha se khale mona, ha Ngk. Reidhead, Mopresidente oa Sudan Mission, e kholo ka ho fetisisa e tletseng . . . moapostola e moholo ka ho fetisisa . . . Che, ke kopa tšoarelo. Morero o moholo ka ho fetesisa oa mantlha lefatšeng, Sudan Mission. Ngk. Reidhead, ka digarata tse ngata a bile a sa tsebe bongata ba digarata, o tlie ntlung holimo mono, nako e fetang selemo le likhoeli tse tšeletseng e fetileng. 'Me a ema ka tlung ea ka, eena le Hyman Appleman enoa, mosebeletsi enoa oa Baptise ea amohetseng Moea o Halalelang joale 'me a rera tlase Mexico. 'Me a tla tlung. A re, "Moena Branham," ho re, "u kena-kenana le Mapentekosta?"

'Me ka re, "E, monghali."

'Me a re, "Ke Ngk. Reidhead."

Ka re, "Ke thabela ho u tseba. Na u ka kena?"

A re, "E, monghali."

¹¹⁷ A lula fatše, a re, "Ke batla ho u botsa ho hong." A re, "Ke utloisia hore u tlotsitsoe kerekeng ea Baptise."

¹¹⁸ Ka re, "Ke hantle." Ka re, "Ke tsoa ho eona," Ka re, "hobane ha kea khona ho mamella seo. Ke—ke lumela ho rera seo Bibele e se bolelang, e seng seo kereke ea Baptise e se bolelang. 'Me ha ke na letho khahlano le kereke ea Baptise, e lokile joaloka kereke e 'ngoe." 'Me ka re, "Ke tsoa ho eona hore ke tle ke lokolohe."

A re, "Be, ehlile, u a tseba re Mabaptise."

'Me ka re, "E, monghali."

¹¹⁹ 'Me a re, "Ke batla ho u botsa ho hong. Ho ka thoeng ka kolobetso ee ea Moea o Halalelang?" A re, "Ke kene 'me ka ba bona ba raha litulo 'me ba hatakela ba hoeletsa 'me ba tsoelapele."

¹²⁰ Ka re, "Ke bone tseo tsohle, hape." Empa ka re, "Moena, ka morao ho tseo tsohle, ho na le sehlooho sa makhonthe sa kolobetso ea Moea o Halalelang."

¹²¹ 'Me a re "Moena Branham, na nka E amohela?" A re, "Ke na le litlotla tse ngata!" A re, "Ke Ngaka, ke *sena*, ke na le Ph.D., ke na le Bachelor Degree, ke na le mofuta o mong le o mong oa digarata tsa dihonase ho tsoa lichabeng tsohle, le lintho tse joalo," a re, "'me Jesu Kreste o kae?"

¹²² Ka re, "Be, moena, O teng hantle ka mona ka phaposing."

¹²³ A re, "Ke ile ka ema 'me ka qoqa le Mohammeda ea tiileng, ea sa tsoa rutoa Amerika, 'me ka re, 'Latola moprofeta oa hau oa khale ea shoeleng 'me u amohele Morena Jesu ea tsositsoeng bafung.' A re, 'Monghali ea mosa, Morena oa hau Jesu ea tsohileng bafung a ka nketsetsa eng ho feta kamoo Mohammed oa ka a ka nketsang kateng?' A re, 'Bobeli ba bona ba ngotse Libibele, rea e lumela.' A re, 'Bobeli ba bona ba ile ba shoa.' 'Me a re, "Me bobeli ba bona ba tsepisitse bophelo ka mora lefu, ho rona, 'me re a e lumela.'"'

¹²⁴ A re, "'Oh, empa, u a bona,'" a re, "'rona Bakreste re na le thabo.'"

¹²⁵ "A re, 'Ho joalo le ka rōna.' Ho re, 'Nka hlahisa saekholoji e ngata kamoo u ka khonang.'" 'Me ke hantle. "A re, 'Be, sheba, Mohammed oa rona... U itse Morena oa hau Jesu o tsohile bafung'"

¹²⁶ 'Me Ngaka Reidhead a re, "'Hobane'ng, O entse joalo!'"

¹²⁷ "A re, 'E pake!' Ho re, 'E pake!' A re, 'U bile le lilemo tse likete tse peli ho paka hoo, 'me ke karolo ea boraro feela ea lefatše e kileng ea utloa ka hona.' A re, 'Ha Mohammeda oa rona a ka tsoha bafung 'me lefatše lohle le tla tseba ka eona matsatsing a mabeli.'" O nepile. "A re, 'Mohammeda oa rōna ha a ka a re tsepisa letho haese bophelo ka mor'a lefu.' A re, 'Morena oa lōna Jesu o le tsepisitse, le lōna baruti, hore tsona lintho tseo A li entseng le tla li etsa le lōna.' 'Me a re, 'Ha re boneng lona matichere le hlahisa seo hona joale, 'me,' a re, 're tla lumela hore O tsohile bafung.'"'

¹²⁸ A re, "Moena Branham, ke ile ka sunya leoto laka leroleng *joalo* 'me ka fetola sehlooho." Ka digarata tseo kaofela! Hobaneng? Molimo o kae digarateng tseo? Molimo ha o tsejoe ka Ph.D., le D.D., le L.D.'s, joalo-joalo.

¹²⁹ Molimo o tsejoe ka tumelo e pala, ka kolobetso ea Moea o Halalelang. Ke eona feela tsela. Molimo ka ho lona, ho fihlela A u tlisa ho "mora oa Molimo," ho fetola tlhaho ea hau. 'Me eona ntho eona eo, Molimo 'Mopi Ea entseng lintho tsohle le bopa lefatše ka Lentsoe la Hae, 'ona Moea oo ka ho uena, u lumela ntho e 'ngoe le e 'ngoe eo Molimo a e buang. 'Me ha ho letho le sa khoneheng; u a Le lumela.

¹³⁰ U ke ke ua emela tumeloana e le 'ngoe ebe u re, "Ha ke, nke ke ka amohela Hono. Ha ke kholoe hore Molimo o tla etsa *sena*.

Ha ke kholoe.” U lekanyetsa Molimo ka ho se lumele ha hau! Ho felile ke lehlohonolo.

¹³¹ Ka hona Ngk. Reidhead a ema mono, a re, “Moena Branham, na motho a ka amohela, ruri, Moea o Halalelang?”

¹³² Ka re, “E, monghali, Ngk. Reed- . . . , u ka khona.”

¹³³ A re, “Hoja Molimo o tseba pelo ea ka; ’me ke a u lumela, ka ho tseba; ’me tlasa tšusumetso hona joale, ke batla hore u etse joalo . . . U lumela hore ke bua ’neta?”

Ka re, “Kea tseba hore u joalo!”

A re, “Ke tlameha ho E amohela joang?”

Ka re, “Kgumama.”

¹³⁴ ‘Me a khumama moo ka pel’ a tafole ea khale ea kofi. Ka e thonaka feela ho tloha mona. Monna o lutse morao mane ea e lokisitseng nakoana e fetileng holimo mona. O lutse mono, a pshatla khalase holim’ a eona ha a ne a khumama. A re, “Molimo, hauhela moea oa ka o tletseng sebe.” ‘Me ka bea matsoho holima hae, ’me kolobetso ea Moea o Halalelang ea theohela holim’ a hae hona mono. Ke hantle.

¹³⁵ ‘Me o sa tsoa ho chesetsa kereke eo ea Baptise hohle joale, ho bao bohle ka hare mono. Ke eo moo. E, monghali.

¹³⁶ Evangelie ka se khone . . . Jesu a ke ke a tla ho fihlela . . .

¹³⁷ Mamelang! Re abile lipampitšana ho pota lefatše. U ke ke ua ea sekhetloaneng sefe ho se lipampitšana tse abiloeng, motho ea fetang mono ka thuto ea bolumeli. U ea mose ho maoatle kajeno u ipitsa “moromuo,” ’me u ba shebe ha ba u tšeja. Ho tloha ho kena India ’me u re, “Ke moromuo.”

¹³⁸ “Hantle, u tlo re ruta eng?” Ba tseba ho hongata ka Bibele ho feta . . . Bana ba bang ba bona ba tseba haholo ka eona ho feta kamoo matichere a mang mona Amerika a tsebang ka eona. Etsoe, ke Buka ea Bochabela. ‘Me, hopolang, ba fumane Evangelie makholo le makholo a lilemo pele Amerika e eba teng. Santa Thomase, kereke e kholo eo a neng a rera ho eona, e sa eme le kajeno India. Ha ba hloke thuto efe kapa efe ea hau, ba tseba tsohle ka eona. Ba re, “U tlo re ruta eng?”

“Be, re baromuo ba Amerika.”

¹³⁹ “U tla re ruta eng, ho noa wiski joang? Ke seo le se etsang kaofela mono likerekeng tsa lona! Ho tsuba lisakerete? U ea re ruta mokhoa oa ho hlala basali ba rona, le joalo-joalo?” A re, “Haeba u tla etsa joalo, ha re e battle.” ‘Me a re, “U tla mona ka thuto ea bolumeli e ncha kapa se seng, u tla leka ho re ruta le leng la Lentsoe, re tseba ho feta ka lona.” ‘Me ke hantle. A re, “Empa haeba u tilil’ o bontša seo Lentsoe le se bolelang, re tla Le amohela.” Amen! Ke uena eo. Ke eona ntho eo ba e lapetseng.

¹⁴⁰ Tšoaeang Lentsoe la ka, le Le ngole maqepheng a lona a Bibele, hoba Ke HO RIALO MORENA, “Hopolang, ha re fihla

India, u tla utloa ka mashome a likete makhetlo a likete a pholosoang.” Moea o Halalelang o E boletse. Ke E ngotse mona Bibeleng ea ka. E ngotsoe ka har'a likete tse mashome tsa Libibele hantle mona, joalo ka tsoho ea moshanyana, ka pono eo A e boletseng. “Ho na le likete tse makholo a mararo tsa bona ka mono.” ’Me u a bona haeba seo ha se a nepahala! Ke kamoo Evangelie tla reroa bosiu bo le bong. E tla haola joalo feela, ho tloha sebakeng ho ea sebakeng.

¹⁴¹ Afrika, moo ba likete tse mashome a mararo tsa memo ea aletare e le 'ngoe ba amohetseng Molimo, ke itse, “Phahamisang matsoho a lona 'me le amohele Moea o Halalelang.” Ka re, “Le se ke la emela moromuo a mong oa Moamerika a tle ho le ruta ho ithuta lipuo tsa likereke.” ’Me bommè ba hlatsoa holim'a mapolanka, ho romela moromuo a mono le ho palama hohle ka koloi e ntle e kholo, ho phela ka mafura a naha; ehlide, ho aba lipampitšana tse seng kae ebe u a khutla. Ha ba batle seo; e e pakile.

¹⁴² Ke boletse hantle mona Sepetleleng sa Bajuda mono, masiu a 'maloa a fetileng kopanong le baruti le lingaka, tabeng ea pholiso ea Khalalelo; ka re, “U mpitisitse mohalaleli-mothethehi, 'me u itse ke ile ka haptjoa ke sesitahlohoana ha ke ne ke u bolella... Lengelo la Morena.” ’Me ka re, “’Me kereke ea rona e rometse liketekete ea sebelisa limilione tsa lidolara, ho romela baromuo a Afrika; 'me ha ke fihla mono, ba ne ba jere litšoants'onyana tsa seretse, ba leka ho fumana thuso ho seseto sa seretse, 'me ba ipitsa ‘Bakreste.’” ’Me ka re, “’Me seo u se bitsitseng ‘cheseho e feteletseng’ e hapetse meeaa e mengata ho Kreste metsotso e mehlano’ ea nako ho feta limilione tsa rona tsa lidolara le liketekete tsa baromuo a lirumuoa lilemong tse lekholo le mashome a mahlano tse fetileng.” Ba khutsa, ho ne ho le joalo! E ne e robetse teng. Ke itse ho lona, banna bao, ka re, “Se ke oa—se ke oa leka ho ruteha, nka feela Evangelie ena 'me u tsoele pele koana—koana naheng ea batala moo lekhooa le sa khoneng le ho ea, ho ka baka la maloetse.”

¹⁴³ ’Me ke na le lirekoto, hantle ho tsoa pampiring ea Durban, e itse, “Esita le monnamoholo eo o ne a sa tsebe letsoho le letona ho le letšeħali, a amohela kolobetsa ea Moea o Halalelang, 'me o ne a kolobetsa ka palohare ea sekete ka veke.” Ke kamoo Evangelie e tsamaeang ka teng, nakoaneng feela, E hloka feela likhoeli tse tšeletseng ho aparela lefatše lohle. Ho lokile.

30. Na u ka hlalosa ka Mokreste—Mahlale a Bokreste?

¹⁴⁴ Ho lokile. Ke... Mona ke... Nke ke ka bua ka bolumeli ba hau, moena kapa khaitseli ea ka, mang kapa mang ea botsang potso. Mahlale a Bokreste ke saekholoji. (’Me pholiso ea Khalalelo ke matla a Molimo!) Mahlale a Bokreste a beha kelello holim'a taba; Mahlale a Bokreste a latola Mali a Jesu Kreste. Mahlale a Bokreste... Oh, ke na le libuka tsa Mof. Eddy holimo

mono, 'me ka li bala kaofela. Le a bona? Ke hantle, Mahlale a Bokreste a latola Bomolimo ba Jesu Kreste, 'me a Mo beha e le "moporofeta." Jesu Kreste e ne e se motho; E ne e le Molimo! O ne a Khethehile! 'Me ba nahana hore ke kelello holim'a taba.

¹⁴⁵ Haeba ke honyela mesifa letsohong la ka kapa ka mpeng, kapa ka hare...kapa ho opeloa ke hlooho, ke na le kelello e lekaneng ho tseba hore e bohloko, 'me ha se hore na ke nahana hore e bohloko. Empa kea tseba hore matla a Molimo a ka e tlosa, eseng a ka...ke nahana ka eona. Le a bona? Ka hona, Mahlale a Bokreste, ke tla bolela sena 'moho le e nngoe eo ke e botsitsoeng, ke e 'ngoe ea li-isms tsa kajeno, le phoso e tebileng, e lefifi. Ke hantle. Eseng ho utloisa maikutlo a hau bohloko, motoalle, leha e le mang ea e ngotseng, empa ke tlameha ho tsepahala. Hobane lona ba e ngotseng, le 'na, 'moho, ka tsatsi le leng re tla ema ka pela Sefahleho sa Jesu Kreste ho arabela, 'me ke tla tlameha ho arabela seo ke se buang. Joale, ke ne nke ke ka arabela ntle leha ke tseba. Ho lokile.

31. Joale: Ha re...Ha re lula hole le mona ho ea...Re lula hole haholo le mona ho ea tabernakeleng. U re khothaletsa ho ea kae, ho phutheha hammoho, ka ho bona hore likereke li latela mme kereke, kapa, Bokatolike?

¹⁴⁶ Moena kapa khaitseli ea ka ea ratehang, mang kapa mang ea e ngotseng, nke ke ka u bolella hore u kene kereke efe. Empa seo ke neng ke tla se etsa, sena, moena ka, khaitseli, ke...Ha u eso fumane kolobetso ea Moea o Halalelang, u a bona, be, u fumane kolobetso ea Moea o Halalelang ebe ea phuthehong e 'ngoe moo ho nang le batho ba bang ba nang le kolobetso ea Moea o Halalelang. U na le...phutheha le batho ba mofuta oo!

¹⁴⁷ Ke bone monna, mona nakong e seng kaalo ea ho feta, ea hlahileng lilemo tse leshome esale a...kapa, e seng ho tsoaloa, ke kopa tsoarelo, e ne e se e le lilemo tse leshome a qetetse ho bona. E ne e le setho sa kereke e kholo, 'me o ne a lula Kennett, Missouri. 'Me o bile le...o ne a—e ne e le motei oa lieta lilemong tse fetileng, 'me a foufala. 'Me monna a tla kalaneng, 'me Moea o Halalelang oa 'molella hore ke mang le hore phoso ea hae ke efe, oa 'molella nako e kae a foufetse, 'me oa 'molella ka ketso e nyenyane, e litšila eo a e entseng. A re, "Ha Molimo a ka ntumella ho phela ho fihla mono, ke tla lokisa hoo." 'Me, ha a rialo, mahlo a hae a buleha; 'me Bibele eona ena, a bala khaolo ka mora khaolo ho tsoa ho Eona.

¹⁴⁸ O ile a khutlela kerekeng ea hae 'me a ntse a roris. 'Me moruti a 'molella, "E ka be e etsahetse leha ho le joalo. Khele, u mpa fuluehile, ho ne ho se letho ho eona. Ha ho letho nthong eo, ke ea liabolosi!"

¹⁴⁹ Ke phephetsa mang kapa mang ho mpontša Lengolo le le leng moo liabolose a ka folisang. Ha le ka mpontša moo liabolosi a ka folisang teng, ke tla paka hore liabolose ke ntata lona; ke hantle,

ha u ka etsa seo. Ha e eo ho Mantsoe a Molimo. E ke ke ea pakoa. 'Me u ka . . . u ka batla ho e leka, u amohelehole. Empa taba eo e ile ea khahlanyetsoa ke bobishopo le ntho e 'ngoe le e 'ngoe, moena, ka hona u se ke oa rialo.

¹⁵⁰ Shebang! 'Me eena monna eo o tlamehile, pelong ea hae, ho e lumela. 'Me likhoeli tse tharo hamorao o ne a le itšebeletsong tsa ka, a foufetse feela hakaalo ka lebakeng la pele. Ke uena eo.

¹⁵¹ Kahoo qobang ho mekhanyana eo! Ikopanyeng le motho ea lumelang, iteanyeng e le lona. Bibele e boletse, "U se ke ua sikara joko le ba sa lumelang." "Ikaroleng," ho bolela Molimo. Tsoang! Bibele e boletse, "Tsoang har'a bona, 'me l be . . . le se ke la ama sesila tsa bona, 'me Ke tla le amohela. Ke 'na Morena Ea emeng har'a kereke." Ke hantle. Tsoang! Se ke oa kopana le tse joalo!

¹⁵² Empa ha re . . . iteanye le kereke e itseng, kereke e 'ngoe e lokileng. Methodise, Baptise, Presbeteriene, Campbellite, leha e ka ba eng, ha e etse . . . Moo balumeli ba 'nete ba leng teng ka mono, ha ba tsotelle seo tumeloana ea kereke e se bolelang, ba ea moo ho kopana le baena le likhaiseli tsa bona le ho rapela Molimo, 'moho. Ho lokile.

32. Maobane bosiu u buile ka "bongata bo boholo, boo ho seng motho ea ka tsebang ho bo bala, ba leloko le leng le le leng, le ba lichaba tsohle," bao ba—ba boleloang khaolong ea 7 ea Tšenolo. Na ke u utloisisitse, ka nepo, ho bolela ho re "Ke Monyaluoua oa Kreste"? E, u nkutloisisitse. Ke Monyaluoua.

¹⁵³ Joale ha u ka hlokomela, hantle feela ho Tšenolo 7, o bone likete tse lekholo le mashome a mane a metso e mene. Joale, ha ke u qose ka sena, moena ka, empa ba lekholo . . . Ka tloaelo Paki ea Jehova ke eona e lumelang likete tse lekholo le mashome a mane a metso e mene e tla ba Monyaluoua. 'Me hoo ke phoso! Johanne o tsebile e mong le e mong oa bona, 'me a ba bitsa ka mabitso. E mong le e mong e ne e le Bajuda. A re, "Ba Gade, likete tse leshome le metso e 'meli, ba Zabulone, ba likete tse leshome le metso e 'meli, ba Benjamine, ba Juda ba likete tse leshome le metso e 'meli." Na ho joalo? 'Me meloko e leshome le metso e 'meli ea Iseraele, 'me leshome le metso e 'meli ha leshome le metso e 'meli . . . ke likete tse lekholo le mashome a mane a metso e mene. Na ho joalo? A re, "Bohle, bana ba Iseraele." Johanne a ba tseba.

¹⁵⁴ Eaba o sheba nqa *ena*, 'me a re, "Khele, mona ho ne ho eme letšoehali leo ho seng motho ea ka le balang, ba mefuta eohle, ba lipuo tsohle, le ba lichaba tsohle; ba eme ka liaparo tse tšoeu, matsohong a bona . . . le lipalema, ba li tsokotsa, le mehoo, ba bina hosanna le . . . ho Morena." A re, "Ke bo mang?"

¹⁵⁵ A re, "Ke ba tsoileng matšoenyehong a maholo 'me ba hlatsoitse liaparo tsa bona Maling a Konyana. Ba ka pel'a Molimo, 'me ba tla sebeletsa Konyana ka Tempeleng ea Eona le Eena. Motšeare le bosiu, ba ke ke ba Mo tlohela." Monyaluoua ke eo, le a bona, Mosali, Monyaluoua oa Molichaba.

¹⁵⁶ Hopolang, Monyaluoa ke Molichaba. A re, “O tla tla ‘me a nke batho ho Balichaba bakeng sa Hae” (sa eng?) “sa Lebitso.”

¹⁵⁷ Joale, ho na le basali ba bangata ba bacha lefatšeng. Empa ke nkile mosali a le mong, ‘me e ne e le Meda Broy, ‘me ke Mof. William Branham joale. O na le... Ha e sa le Broy; ke Branham joale. Le a bona?

¹⁵⁸ ‘Me ho joalo, u nka Jesu Kreste ‘me o fetoha Monyaluoa, litho tsa Monyaluoa.

33. Mantsoe a Selatini holim'a Motse oa Vatican ke eng? Re batla ho tseba kamoo a etsang makholo a tšeletseng le mashome a tšeletseng a metso e tšeletseng, le hore na a bolelang.

¹⁵⁹ Che, ha eso fele... a Selatini—mantsoe a Selatini ha a holim'a Motse oa Vatican; a holim'a terone ea mopapa, moo a lutseng teroneng ea hae. E ngotsoe holimo moo, “VICARIVS FILII DEI.” Ha le lakatsa, hoseng, ke tla e hlahisa, ntho e ’ngoe le e ’ngoe, ‘me ke e behe sekhechaneng sa pampiri. ‘Me ha le e batla, khele, ke tla le tlisetra eona hoseng. Moo u ka e peletang ka lithaku tsa Seroma, VICARIVS FILII DEI, lentsoe le bolela “Sebakeng sa Mora oa Molimo”; ke mohlahlami oa Mora oa Molimo.

¹⁶⁰ Kereke ea Katolike e lumela hore “Petrose e ne e le mopapa oa pele; e ne e le mohlahlami oa Jesu Kreste.” Etsoe e le phoso! Ho lokile. Eбиле ba bolela ho re “Mopapa e mong le e mong ea mo latelang ke mohlahlami; ‘me mopapa joale, ea leng joale, ke mohlahlami oa Jesu Kreste.” ‘Me e ngotsoe mono, “Mohlahlami oa Jesu Kreste, ‘VICARIVS FILII DEI,’” e ngotsoe mono. Nka litlhaku tsa Seroma ‘me u li ngole feela (X e le leshome, V e le hlano, joalo-joalo), ha u ntse u peleta “VICARIVS FILII DEI,” ‘me o rala mola, ‘me u fumana makholo a tšeletseng le mashome a tšeletseng a metso e tšeletseng. E ngole ‘me u fumane.

¹⁶¹ Joale, ke tšoere *Linnete Tsa Tumelo ea Rona*, e bitsoang, kerekeng ea Katolike, hoba batho ba heso e ne e le Irish Catholic. Kahoo ke tseba seo ke buang ka sona. Le a bona?

¹⁶² ‘Me ruri ke ’nete, ke hantle, se mono... ‘Me Bibele e boletse ho re “O tla be a lutse ka kerekeng, kapa e—e sebaka, kapa kerekeng e lutseng holim'a maralla a supileng Roma, ‘me matla a hae a tla ea lefatšeng lohle. ‘Me o bitsoa antikreste.”

¹⁶³ ‘Me ho tsoa kerekeng eo ha hlaha likerekenyana tse tsoetsoeng joalo, ‘me ha thoe, “E ne e le seotsoa, ‘me o ne a setsoe morao ke lihlola.” Ke hantle. Ke uena eo. Hoba ba hlophilisitsoe nthong e le ’ngoe, ‘me ba na le litumeloana tsa bona le lithuto. Katlasana feela, ha se matla a kaalo ka a hae, empa ba ntse ba e-na le matla. ‘Me *sebata* se bolela “matla.” Ke uena eo. Kahoo ba ruile, Makatolike a matla a maholohali. Mamethodise, ‘me e ntano ba Mapresbeteriene, e ntoo ba latela Maluthere, ‘me hape Mabaptise, ‘me e ntoo ba joalo-joalo, le ho theoha joalo. E ne e

le matla a manyenyane, a hlophisisoeng, “Kereke ea ka! Kereke ea ka! Kereke ea ka! Kereke ea ka!”

¹⁶⁴ Empa molumeli oa 'nete ha a bue letho ka seo. Ke “Kreste oa ka! Kreste oa ka! Kreste oa ka!” Ke eona phapang. U tseba joang? Moea o Halalelang o paka ka mehlolo le meeka.

¹⁶⁵ Nthoana ke ena, e batlang e khahlela. Ha ke batle ho bala sena, empa motho e mong o e behile mona:

34. U botsitse lebaka leo ka lona tabernakele ena e sa kang ea tsoela pele. Lebaka la eona, ke motheo oa hobane batikone ba bang ba latole neo ea maleme le pholiso. Kaofela rea tseba hoo ke 'nete.

¹⁶⁶ Ntsebiseng hore na ke mang, ke sa le mona teng—teng letšolong lena, 'me e tla tlosoa kapele.

35. Hhalosa haeba Mokreste o lokela ho phethisa hlatsuo ea maoto, le kolobetso ka Lebitso la Jesu Kreste (Lebitso) sebakeng sa lebitso la “Ntate, Mora, le Moea o Halalelang.” Ka kopo.

¹⁶⁷ Ho lokile. Ke ne ke nkile ba ka bang ba bararo ba ka mona ba botsitseng eona ntho eo.

¹⁶⁸ Ea ho hlatsoa maoto, hantle, nka mpa ka qala ka eona. Ho lokile, joale u ka fapano, ho lokile. Ere ke bale a 'maloa feela, nakoana feela. Kapa ha le batla ho e bala, fumana Santa Johanne, khaolo ea 13, nakoana feela. Ke batla ho u botsa se seng mona. 'Me mame lang seo Jesu Kreste a se buileng, ka Boeena, 'me ke tla u isa Testamenteng 'me ke u bonts'e hore e sa ntse e phethisoa. Qala temaneng ea 2.

Joale, ha selallo se fela, liabolosi a se a... behile pelong ea Judase Iskariota, mor'a Simone, ho mo eka;

Jesu ka ho tseba... Ntate o ne a neetse lintho tsohle matsohong a hae,... a tsoa ho Molimo, 'me a ea ho Molimo; (O tsoile Moeeng, ho kena nameng, 'me a khutlela ho Moea. Le a bona?)

'Me A tsoha teng selallong, a hlobola liaparo tsa hae;... a nka thaole, ... a itlama.

Ka mor'a moo a tšela metsi ka sejaneng, a qala ho hlatsoa maoto a barutuoa, a a hlakola ka lesela leo a itlamileng ka lona.

Eaba o tla ho Simone Petrose: 'me Petrose a re ho eena: Morena, na ke uena o ntlhatsoang maoto?

Jesu... a re ho eena: Seo—seo ke se etsang joale ha u se tsebe... empa u tla tseba hamorao.

Petrose a re ho eena, U ke ke oa ntlhatsoa maoto le ka mohla o le mong. Jesu a araba a re ho eena, Ha ke sa u hlatsoe, ha u na kabelo ho 'na. (Oh, na u ka nahana seo! Ho lokile.)

Simone... a re ho eena,... e seng maoto a ka feela, empa... matsoho a ka le hlooho ea ka.

Jesu a re ho eena: Ea hlatsoitsoeng... feela... hloka... ho hlatsoa maoto a hae feela, le hloekile kahohle:... empa eseng kaofela.

Hobane o ne a tseba ea tla mo eka; ke kahoo a itseng, Lona ha le a hloeka bohle.

Kahoo ka mor'a hore a hlatsoe maoto a bona, 'me a— a nka liaparo tsa hae, a lula fatše hape, a re ho bona, Na le tseba seo ke le entseng sona?

Le mpitsa Morena le Moruti: 'me le bolela hantle; hobane ke eena.

Joale, ha 'na, ke leng Morena le Moruti, ke le hlatsoitse maoto;... le tšoanelha ho hlatsoana maoto.

Hobane ke le beetse mohlala, hore le loketse le etsane joalokaha ke entse ho lona.

... ho lehlohonolo lona ha le tseba taba tseo, 'me la li etsa.

¹⁶⁹ Koana ho Timothea oa Bobeli, Pauluse o itse, ha a ngolla kereke, "U se ke ua lumella mohlolahali hore a tlisoe ka phuthehong ho fihlela a hlatsoitse maoto a bahalaleli." Ke hantle. Hlatsuo ea maoto e ne e phethisoa mehleng eohle ea Bibele. 'Me ka thuso ea Molimo, ha nka boloka kelello ea ka e lokileng, 'me Molimo a nthusa, ke tla e phethisa ho fihlela ke shoa. Ke hantle. Ruri ke thomo ea Jesu Kreste!

Joale, ena e tla ba potso e hlabang.

36. Hobaneng ha motho a ka kolobetsoa ka Lebitso la Jesu Kreste sebakeng sa "Ntate, Mora, le Moea o Halalelang"?

Ke na le tse peli kapa tse tharo. E 'ngoe ke ena hantle mona:

37. Moena Bill, ke kolobetso efe ea bohata eo u neng u bua ka eona maobane bosiu, haeba e le metsi kapa Moea? Haeba e le metsi, 'me u boletse Lebitso la Jesu Kreste, hobaneng Mattheu 28:19, e re, "Ntate, Mora, le Moea o Halalelang"? Ke kopa u hhalose.

¹⁷⁰ Joale, tsena li batla li le lekhonatha, empa ke lumela hore ke na le e 'ngoe mona kae-kae, eona ntho eo. Oh, e batla e le libaka tse tharo. Ke tla leka ho fihla ho eona. Ha re boneng. Na—na le tla 'mamella metsotso e seng mekae? Ho lokile. Joale, ha re qaleng joale 'me re arabe lipotsa tsena. Mohlomong re ka emisa tse 'maloa tsa tsona, 'me ra li fumana mohlomong (tse ling kaofela) hosane; haeba ho se letho le sele, sekolong sa Sontaha, kapa ka nako e 'ngoe. Empa mohlomong batho bana... ba botsa sena, 'me hosane ke kolobetso. Joale, tsela efe kapa efe eo u kolobelitsoeng ka eona, ha ho na taba ho 'na. Empa ke batla ho—ho u bolella Thuto ea Baapostola ea Bibele. Le a bona?

¹⁷¹ Joale, re fumane, maobane bosiu, hore mohla kereke ea Katolike e ne e hlophisoa, hore e tsoile ka selallo sa bohata, e bolela ho re “Ha u amohela Eukariste e halalelang, ho bolelang selallo se halalelang mono, u amohela Moea o Halalelang.” Seo ha se Moea o Halalelang; seo ke sephaphatha.

¹⁷² Kereke ea Protestanta e tsukutlana ka matsoho, ho ngola mabitso a bona bukeng, ke seo ba se bitsang “ho O amohela.”

¹⁷³ Joale, empa tsela ea sebele ea ho O amohela e ne e le kolobetso ea Moea.

¹⁷⁴ ’Me, joale, kereke ea Katolike e ntšitse katekisima. Luther o ne a ena le eona, kereke ea Methodise e na le eona, Episcopalian e na le eona, bongata ba ba bang ba na le eona, katekisima. Meetlo e mengata ea kereke ea Katolike e sa ntse e hometse kereke ea Protestanta; e mo bopang hantle ’moho le eona, ho latela Bibebe.

¹⁷⁵ Empa ha ho eso be le motho, le ka mohla, maqepheng ’ohle a Bibebe, ea kileng a kolobetsoa ka lebitso la “Ntate, Mora, Moea o Halalelang.” Ha ho eso be le motho ea kolobelitsoeng ka lebitso la “Ntate, Mora, Moea o Halalelang” ho fihlela kereke ea pele ea Katolike. Ha e eo ka Bibeleng, kae kapa kae! Ha motho a ka fumana sekoto ka mono, ’me a mpolella ’me a mpontše moo motho a le mong a kileng a kolobetsoa ka lebitso la “Ntate, Mora, Moea o Halalelang” Ke kopa u mpontše, hoba ke E fetile hape le hape le hape le hape, ka lilemo tse mashome a mabeli a metso e qalikaneng joale. ’Me ke phoso! Ke tumelo ea Katolike ’me ha se taelo ea Bibebe.

¹⁷⁶ Joale re tla fumana hobaneng, re ea potsong ea hau, moena ea ratehang. Santa Johanne . . . Ke bolela Mattheu 28:19. Ho lokile, ha re khutleleng morao. U ka phetla Bibebe ea hau, le ’na, u tle u bale le ’na. Sebaka seo ho buuoang ka sona ke sena. Sebaka se le seng ka Bibeleng sa . . .

¹⁷⁷ Na Jesu ha a re, “Ka melomo ea lipaki tse peli kapa tse tharo taba e ’ngoe le e ’ngoe e tiisoe”?

¹⁷⁸ Nka u kenya ka Bibeleng moo E itseng, “Judase Iskariota a ea a iphanyeha,” ’me, “Le uena u tlohe u etse joalo.”

¹⁷⁹ Nka u isa moo Jesu a itseng, “Ha Mora motho,” etsoe ka Boeena e ne e le seo, “ea leng Leholidong joale, o tla boela a khutla,” le ho ema hantle mona lefatšeng. ’Me a re, “Mor’ a motho ea leng Leholidong joale,” le ho ema hantle mona lefatšeng.

¹⁸⁰ U tlameha ho tseba Molimo ho tseba Lentsoe la Hae. U ke ke oa . . . Ha ho makatse ha u re, “E a Ikhaneetsa.” Ho a ferekanya; hoba Molimo o itse O E ngotse e le ho E patela barutehi bana le joalo-joalo. Le ho lumella batho ba ikokobetse aletareng, ’me Molimo o tla le senolela Eona.

¹⁸¹ Joale Lengolo ke lena, Mattheu 28:19, nqalo feela ka Bibeleng moo e kileng ea bolela maemeli ana.

*E-eang ke hona, le rute lichaba tsohle, le ba kolobetse
ka lebitso la Ntate, le la Mora, le la Moea o Halalelang:*

¹⁸² Joale, tsela eo u kolobelitsoeng ka eona, ke, “ka lebitso la Ntate, ka lebitso la Mora, le ka lebitso la Moea o Halalelang.” Ebile ha e ka har’ a Lengolo! Empa e mona, “Le rute lichaba tsohle, le ba kolobetse ka Lebitso!” Joale sheba hantle Bibeleng ea hau ‘me u bone haeba hoo ho bolela “ka mabitso” kapa “ka Lebitso.”

¹⁸³ Joale u re . . . Joale, ha se khale haholo mona kopanong, thaka le leng la re, “Khanyetsano e teng ka Bibeleng!” A re, “Ke lakatsa eka u ka ntthalosetsa eona. Hobaneng ha Jesu a ile a bolella batho ho kolobetsa ka lebitso la Ntate, Mora, Moea o Halalelang, ‘me Petrose a reteleha ‘me a ba kolobetsa ka Lebitso la ‘Jesu Kreste,’ ho Liketso 2:38?” A re, “Haeba seo se sa ikhanyetsa, ha ke bone ho ikhanyetsa!”

Ka re, “Hobane feela u sa batla Molimo hantle.”

¹⁸⁴ A re, “Moena Branham, na ho etsa phapang ha ke kolobetsa ka tsela *ena* kapa *eane?*” Ehlide e etsa joalo, ‘me ke tla e paka ka Bibele.

¹⁸⁵ Ho ka thoeng—ho ka thoeng holane Moshe . . . Molimo oa re ho Moshe, nyolohela sehlahleng, ho re, “Moshe, rola lieta tsa hau, u sebakeng se Halalelang.”

¹⁸⁶ A re, “Joale, Morena, ke monna ea hlonephang. Lieta tsa ka li thata ho li rola, kahoo ke tla rola katiba ea ka.” Ha O a re “katiba,” O itse “lieta!” ‘Me seo Bibebe e se bolelang ke ’Nete. Joale haeba . . .

¹⁸⁷ Mona, mona ke matsatsi a leshome, ena e ne e le nyolohelo. Eitse hobane Jesu a nyolohe, A laela barutuo ba Hae ho ea ka lefatše lohle le ho ruta lichaba tsohle, le ba kolobetse ka lebitso la Ntate, Mora, le Moea o Halalelang. ‘Me kamora matsatsi a leshome . . . Ba nyolohela Jerusalema ‘me ba leta phaposing e ka holimo ho fihlela Moea o Halalelang o fihla. ‘Me eaba ba qala ho rera le ho tsoelapele . . . Ba re, “Re ka etsa’ng hore re bolokehe?”

¹⁸⁸ Petrose a re, “Bakang, e mong le e mong oa lona, ‘me le kolobetsoe ka Lebitso la Jesu Kreste.”

¹⁸⁹ Eaba o ea tlung ea Korneliase, a re, “Bakang, ‘me le kolobetsoe ka Lebitso la Jesu Kreste.”

¹⁹⁰ A tloha a fihlela batho ba bang ba kolobelitsoe, ho re, “U tlameha ho kolobetsoa hape ka Lebitso la Jesu Kreste!”

¹⁹¹ A theohela Samaria a re, “Ba kolobetse ka Lebitso la Jesu Kreste.”

¹⁹² ‘Me ha mohla maemeli ao a kileng a bitsoa holim’ a motho. Le ka mohla! “Joale, khohlano ke eo,” u rialo. Che, ha ho joalo. Kopa Moea o Halalelang feela joale, ‘me u shebe O u senolela Eona. Bula pelo ea hau.

¹⁹³ Joale, u se ke ua ba leeme. Haeba u etsa joalo, Molimo o ke ke oa bua le uena. Empa haeba u ke ke ua ba le khethollo, ho re, “Ke lebeletse ’Nete ruri, Moena Branham.”

¹⁹⁴ Hoja Jesu a boleletse barutuo, “e-eang le etse *sena*,” ’me ba tloha ’me ba etsa ntho e fapaneng *mona*, ’me leha ho le joalo Molimo a e hlohonolofatsa, le hohle ka Bibeleng. Joale, na ba entse seo Jesu a ba boleletseng ho se etsa? Haeba ba entse joalo, ba ne ba sa mamele, ’me le ka mohla Molimo a ke ke a hlompha ho se mamele. Hola A ka etsa joalo, A ka be a ile a hlompha Eva ’me a emisa ntho eo eohle tšimolohong. Ha Molimo o bua taba, O lokela ho boloka Lentsoe la Hae; O na le borena. Kahoo etlaba Petrose o entse phoso . . .

¹⁹⁵ “Oh,” ho re, “ke seo baapostola ba se boletseng.” Monna e mong o itse, “Ke seo baapostola ba se boletseng. Ke tla etsa seo Jesu a se boletseng.”

¹⁹⁶ Joale, haeba baapostola ba entse seo Jesu a sa ba laelang ho se etsa, joale ke’ng? ’Me haeba baapostola ba ngotseng Bibebe ena . . . Pauluse o ngotse tsena tsohle, ’me Pauluse ke eena ea entseng hore ba kolobetsoe hape. ’Me haeba Pauluse a ngotse karolo e kholo ea Testamente ena e Ncha, joale u ngotse Bibebe ea mofuta ofe eo u lekang ho e bala?

¹⁹⁷ Tloong re e etse feela Sena. Botsa ka kelello e seli ’me uo bone seo Lentsoe le se bolelang. Joale, mona ke bakeng sa thuto, hore u tsebe Lentsoe la Molimo.

¹⁹⁸ Joale, haeba Petrose a kolobelitse ka Lebitso la Jesu Kreste ka mor’ a hore Jesu a mo boelle ho kolobetsa ka lebitso la “Ntate, Mora, Moea o Halalelang,” o sebelitse khahlano le seo Jesu a se buileng. Na ke ’nete? Joale, ntho e lokela ho ba teng mono. Joale ha re fumaneng, ’me re kope Moea o Halalelang ho re bontša. Joale, sebaka sa pele, joale ha re nkeng—ha re nkeng Lengolo la pele, Mattheu 28:19.

E-eang ke hona, . . . le rute lichaba tsohle, le ba kolobetse ka lebitso la Ntate, . . . Mora, . . . Moea o Halalelang:

¹⁹⁹ Sheba Bibebe ea hau ’me u bone haeba e rialo “ka *mabitso* a Ntate, le Mora, le Moea o Halalelang.” Na e joalo? Che, monghali. Na e itse, “ka *lebitso* la Ntate, *lebitso* la Mora, ka *lebitso* la Moea o Halalelang”? E itse, “Ka Lebitso!” Na ho joalo? Hantle, lona “lebitso” e ne e le bonngoeng. Na ho joalo? Joale, ke lebitso lefe leo A neng a batla hore ba kolobetse ka lona, lebitso la Ntate, kapa lebitso la Mora, kapa lebitso la Moea o Halalelang? O itse, “Ka Lebitso!” Be, ka bonnête, ha ho lebitso ho ao kaofela.

²⁰⁰ Ke bontate ba bakae ka mona? Ha re bone letsoho la hau—letsoho la hau. Ho lokile. Ke mang har’ a lona ea bitsoang “Ntate”? *Ntate* hase lebitso; *ntate* ke “tlotla.” Ke bara ba bakae ka mona? Ehlide, monna e mong le e mong, e mong le e mong e motona, ke bara. Be, ke mang ho lona ea bitsoang “Mora”? Ha

se lebitso; ke leemeli. Na ho joalo? Ha se lebitso; ke sehlooho. Be, ke mang ho lona ea bitsoang “Motho”? Ho na le batho ba bakae mona? Kaofela ha lona. Be, ke mang ho lona ea bitsoang “Motho”? Ha ho ntho e joalo; ke seo u leng sona. Moea o Halalelang ha se lebitso; ke seo O leng sona. Ke motho. Ka hona Ntate, Mora, kapa Moea o Halalelang ha se “lebitso”; ke *maemeli* a mararo feela a eang Lebitsong le le leng.

²⁰¹ Joale mamela ka hloko. Eng... Sheba mona! Ke tla nka sena joaloka motheo oa lesea. Haeba u itse, be, joaloka ha u bala e—buka ea lipale, ‘me e itse, “Ka morao ho moo Johanne le Maria ba phela ka thabo.” ‘Me u a ipotsa, “Johanne le Maria ke mang?” Be, tsela feela eo u tla tseba hore na Johanne le Maria ke mang, ke ho khutlela morao ho bala tšimoloho ea pale le ho e qeta. Na ho joalo?

²⁰² Ho lokile, haeba Jesu a boletse mona, “Le kolobetse ka Lebitso la Ntate, Mora le Moea o Halalelang,” ‘me Ntate e se lebitso, ‘me Mora e se lebitso ‘me Moea o Halalelang e se lebitso, eng, Mothaka enoa ke Mang? Re batla ho tseba hore Ke Mang. Joale, ntho e ntle ka ho fetesisa... Eo ke khaolo ea ho qetela ea Mattheu, temana ea ho qetela. Ha re phetleng morao khaolong ea 1 ea Mattheu, le litemana tsa pele, le ho qala, ho fumana na Ntate enoa, Mora, le Moea o Halalelang ke Mang. Joale, ntho ena ke batla ho e etsetsa bana mono, ba tle ba e fumane le bona.

²⁰³ Taba ea pele, sena se tla u otlollla thutong ea hau “triniti,” Ntate, Mora, Moea o Halalelang. Joale, tabeng ea pele, haho sebaka se le seng ka hara Bibele moo *triniti* e kileng ea boleloa. U e fumane ‘me u mpontše eona. Ha ho ntho e joalo. Ke phoso ea Katolike, ‘me lona Maprotestanta le a e khumamela. Hlokomelang. Joale, *sena ke’ng?* Ke itse *enoa* ke Mang? Ntate. *Enoa* ke Mang? Mora. ‘Me *enoa* ke Mang? [Phutheho e re, “Moea o Halalelang.”—Mohl.] Joale, Ntate ke Ntat’ a Mang? Mora. Na ho joalo? Joale, *enoa* ke Ntate oa Jesu. U se ke ua li kopanya, joale. *Enoa* mona ke Ntate, *enoa* ke Mora, ‘me *enoa* ke Moea o Halalelang. Na ho joalo? Joale, batho ba e behile, “Batho ba bararo ba fapaneng, Melimo e meraro e fapaneng, baperesone ba bararo ba fapaneng.” Ha ho makatse ha Mojuda a sa khone ho E utloisia! Ho lokile.

²⁰⁴ Mattheu khaolo ea 1, e qala ka leloko la Jesu Kreste, “Abrahama a tsoala Isaaka, Isaaka a tsoala Jakobo,” joalo-joalo, ho theoha joalo, ho fihlela e fihla temaneng ea 18.

Joale tsoalo ea Jesu Kreste...

²⁰⁵ Ke ena, temana ea 18.

Joale tsoalo ea Jesu Kreste... (Ntatele ka Bibele ea hau)... tsoalo ea Monna enoa Jesu Kreste e bile ka mokhoa ona: Eare... ‘mae Maria o ne a lebelelitsoe ke Josefa, ... a fihleloa a e-na le ngoana oa... (Molimo, Ntate?)

Na ke balile Hoo hantle? E reng? [Phutheho e re, “Moea o Halalelang!”—Mohl.] O fumanoe ka Ngoana oa Mang? [“Moea o Halalelang.”] Ke hopotse motho a itse Monna *enoa* e ne e le Ntate oa Hae? Bibebe e boletse hore Monna *enoa* e ne e le Ntate oa Hae.

... *a fihleloa a e-na le ngoana ka Moea o Halalelang.*

²⁰⁶ Joale u na le ngoana ea joang? 'Me Jesu o boletse ka ho hlaka hore Molimo ke Ntate oa Hae. Na ho joalo? Molimo ke Ntate oa Hae! Be, Moea o Halalelang o amana joang le eona he? Haeba Bibebe e boletse hore Moea o Halalelang ke Ntatae, 'me Jesu o itse Molimo e ne e Ntate oa Hae; 'me u itse Molimo e ne e le Ntate oa Hae, 'me joale Bibebe e bolela, ka mona. Haeba ho le ba bararo, batho ba babeli ba fapaneng, Molimo o ne a sa amane le eona ka letho. Moea o Halalelang ke Ntate oa Hae.

²⁰⁷ Joale ha re baleng ho ea pejana.

... *Josefa monna oa hae, kahobane e le monna, ea lokileng, a sa batle ho mo hobosa phatlalatsa, empa a hopola ho mo hlala sephiring.*

Empa, bonang, ha a ntse a nahana taba tsena, ... lengeloi la Morena la mo hlahela ho eena ka toro, la re, Josefa, mora Davida, se ts'abe ... inkele Maria mosali oa hau: hobane se emotsoeng ka ho eèna ke sa Moea o Halalelang. (e seng Molimo Ntate; Molimo Moea o Halalelang!)

²⁰⁸ Le bona moo mohopolo oa hau oa botriniti o ka eang teng? O ne o tla fetola Jesu ngoana oa bonyatsi. Ka sebele. Ke phoso! Ha ho Lengolo la seo. Joale, u tla lokela ho lumela hore Molimo Ntate le Molimo Moea o Halalelang, ke Motho a le mong, kapa Jesu o ne a e-na le bontate ba babeli ba fapaneng. Na ho joalo? Ehlide, ho lokile. Bibebe e boletse, “Moea o Halalelang e ne e le Ntate oa Hae,” 'me Bibebe e itse, “Molimo e ne e le Ntate ea Hae.” Joale, Ntate oa Hae ke ofe? Moea o Halalelang le Molimo ke Moea o le mong; Ke Ntho e le 'ngoe.

... *hona hohle ho entsoe, hore ho tle ho phethehe ho neng ... ho boletsoe ke moporofeta, ka Morena, a re,*

... *moroetsana o tla emola ... 'me a tsoale ngoana, 'me ba ... (Eena enoa)*

... *'me ba tla mo rea lebitso la JESU: hobane ke eena ea tla pholosa sechaba sa hae libeng tsa sona.*

'Me hona hohle ho entsoe, hore ho etsahale, ...

... *'me lebitso la hae o tla bitsoa Emmanuel, ke ho re ha ho fetoloa, Molimo o na le rona.*

²⁰⁹ Joale, Ntate ke Mang, Mora, le Moea o Halalelang? Na Petrose o entse phoso? O entse seo Jesu a 'moleletseng sona. Ke litlotla tse tharo.

²¹⁰ Ke moreri, 'me ke ntate, 'me ke "Molisa," ba rialo, thaetlele, empa ha ho le e 'ngoe ea tseo e leng lebitso la ka. Lebitso la ka ke William Branham.

²¹¹ E ne e le Ntate, E ne e le Mora, E ne e le Moea o Halalelang. U leka ho etsa Melimo e meraro, motsoalle; e fosahetse; ke phoso.

²¹² Ho na le makhathet a mararo ao batrinitase ba a lubakantseng. Molimo, Ntate, e ne e le Moea o neng o lopalestet holim'a bana ba Israele ka Topallo ea Mollo. Na ho joalo? Molimo o ne a le teng. Eaba Molimo o etsoa nama 'me oa aha har'a rona (na ho joalo?) ka Mora oa Hae. Joale O a theoha ho fihlela A kena pelong ea motho, ka Moea o Halalelang.

²¹³ Molimo o tšoana thupa ea ho lekanya e maoto a mararo, kapa, thupa ea ho lekanya e maoto a mararo, ee. Li-inchi tsa pele tse leshome le metso e 'meli e ne e le Molimo, Ntate; li-inchi tsa bobeli tse leshome le metso e 'meli, Molimo, Mora, Molimo o le mong; li-inchi tsa boraro tse leshome le metso e 'meli e ne e le Molimo, Moea o Halalelang, 'ona Molimo oo. Jesu o boletse . . .

²¹⁴ U re, "Be, re na le Moea o Halalelang ka ho rona." Ke hantle.

²¹⁵ Empa Jesu o itse, "Ho se ho se hokae, 'me lefatše ha le sa tla Mpona. Empa lona le tla Mpona, hobane Ke . . ." "Ke" ke leemeli la motho. "Ke tla ba le lona, esita le ka ho lona, ho isa bofelong ba lefatše." Moea o Halalelang o kae ka nako eo? "Nke ke ka le tlohela le le likhutsana; Ke tla tla hape 'me Ke be le lona." Ke phetho.

²¹⁶ U ea bona, ha u e utloisise, motsoalle. Ke Molimo o le mong mekhahlelong e meraro. Lekhathe la Bontate, Mora, le Moea o Halalelang, Ke Molimo o le mong. 'Me ha A re, "E-eang le ba kolobetse ka Lebitso la Ntate, Mora, le Moea o Halalelang," E ne e le Jesu Kreste. 'Me ke ka hona a kolobelitseng ka Lebitso la Jesu.

²¹⁷ Joale shebang, ha re fumaneng likolobetso mona. Lekhetlo la pele kolobetso e kileng ea boleloa Testamenteng e Ncha, e ne e le Johanne Mokolobetsi. Na ho joalo? Ke tla beha *sena* mona. Lea bona, u lokela ho otlolla BoMolimo ba hau pele u ka otlolla kolobetso. *Eo ke Johanne Mokolobetsi, kolobetso ea pele.*

²¹⁸ Lekhetlo la bobeli ha boleloa kolobetso e boleloa, e ne e le Liketso 2:38, moo ba kolobelitseng ka Lebitso la Jesu Kreste, kerekeng e ncha. Sebaka sa bobeli e ne e le ntlu ea Korneliase, kapa che . . . Ke kopa tšoarello, Basamaria, Liketso 7:48 le 49. 'Me Liketso 10:49 ke moo a ba kolobelitseng tlung ea Korneliase. 'Me khetlo le latelang ha kolobetso e ne e boleloa, le ho bitsa mabitso kapa maemeli, e ne e le koana ho Liketso 19:5.

²¹⁹ Joale, mohla ba neng ba kolobetsoa ka Letsatsi la Pentekosta, ba ile ba kolobetsoa, Liketso 2:38, ka Lebitso la Jesu Kreste. Na ho joalo? E ngole fatše, e shebe.

²²⁰ Khetlo le latelang, Filipi a theoha, matsatsi a mabeli hamorao, 'me a qalella ho rerela Basamaria; le ho ba rerela, le ho folisa bakuli, le ho tšoara kopano e kholo tlase mono, le ho ba kolobetsa ka Lebitso la Morena Jesu Kreste. Petrose a theoha, a ba bea matsoho; ba amohetse Moea o Halalelang.

²²¹ Petrose a nyolohela holim'a ntlu matsatsi a 'maloa hamorao, a lapile, a bona pono. Molimo oa mo romela tlung ha Korneliase. 'Me, "Eare Petrose a sa bua Mantsoe ana, Moea o Halalelang oa theohela holim'a bona," 'me ba qalella ho bua ka liteme le ho tsoella joaloka ha ba entse pele. Petrose a re, "Ha ba e-s'o kolobetsoe le joale." Ka hona a ba laela, e mong le e mong, ho kolobetsoa ka Lebitso la Jesu Kreste.

²²² Motho e mong le e mong ka Bibeleng o ile a kolobetsoa ka Lebitso la Jesu Kreste. Pauluse... Ke bolela, barutuoa ba Johanne ba ne ba sa kolobetsoa ka Lebitso la Jesu Kreste, ba ne ba kolobelitsoe pakong. Ha re phetleng ho Bakorinthe ba Pele... Ke re, ha re phetleng ho Liketso, khaolo ea 19, nakoana feela. 'Me balang sena motsotso feela le tle le bone, metsoalle, hore ha se eona—ha se... Ha ba joalo... Lengolo ha le Ikhanyetse. Shebang mona.

'Me, eitsha, ha Apolose a ntse a le Korinthe, Pauluse... a haola mabopong a ka holimo a... Efese: o fumana barutuoa ba itseng,

A re ho bona, Na le amohetse Moea o Halalelang ho tloha le lumetse?... ba rialo... Ha re tsebe hore ho na le Moea o Halalelang.

... a re... joale le kolobelitsoe ka'ng?

Oh, ba itse, re kolobelitsoe.

Ha thoe, Joang?

... a re, Ho Johanne, Johanne...

A re, Johanne o kolobelitse pakong feela, a re le lumele ho ea tlang... ke hore, ho Morena Jesu Kreste.

'Me ha ba utloa sena, ba boela ba kolobetsoa ka lebitso la Jesu Kreste.

... Pauluse a ba bea matsoho, 'me Moea o Halalelang oa theohela holim'a bona; 'me ba bua ka lipuo, 'me ba porofeta.

²²³ Santa Pauluse e moholo...

²²⁴ Mamelang! Ho ka thoeng holane u kolobelitsoe ke Johanne Mokolobetsi, eena monna ea kolobelitseng Jesu Kreste? Monna ea halalelang, ebile Jesu o itse, "Har'a ba tsoetsoeng ke mosali, ha ho ea fetisang Johanne Mokolobetsi ka boholo." Ke eena hlooho ea baprofeta bohole. O eteletse Jesu pele ka metsing le ho Mo kolobetsoa hantle ka har'a Jordane. Moena, hola nka kolobetsoa

ke eena, ke ne ke tla ikutloa ke thabile haholo ka hona. Na ho joalo?

²²⁵ Empa Pauluse a reteleha 'me o re, "Seo se ka se sebetse hona joale!" A re, "U tlameha ho kolobetsoa hape, hape."

²²⁶ "Oh, re kolobelitsoe, leha ho le joalo, Pauluse! Re ile ra quelisoa ke Johanne, hantle ka ntle Nokeng ea Jordane."

²²⁷ A re, "Seo ha se sebetse hona joale. U tlameha ho kolobetsoa hape."

"Joang?"

²²⁸ A re, "Johanne o kolobeletse pakong. Mona ke tšoarelong ea libe, 'me ha ho lebitso le leng tlas'a Leholimo le neiloeng batho, haese Lebitso la Jesu Kreste feela." 'Me ba ne ba loketse ho kolobetsoa hape, hape, ka Lebitso la Jesu Kreste.

²²⁹ 'Me ha ho sebaka se le seng ka hare ho Bibebe, kapa nalane eohle ea lilemo tse makholo a tšeletseng a pele ka mora lefu la moapostola oa ho qetela, moo ba kileng ba kolobetsoa ka tsela esele haese ka Lebitso la Jesu Kreste.

²³⁰ 'Me u ka ea botsa moprista ofe oa Katolike eo u batlang, u ba botse ea fetotseng seo, 'me u bone seo ba u bolella sona. Fumana katekisima 'me u e bale; ho re, "Ehlile, Maprotestanta a mang a tla bolokeha hobane ba khumamela kolobetso ea rona." Ba ile ba e fetola. Ba re ba na le matla le boholo ba ho e etsa, 'me le a e lumela! Ke seo ba se buang, ke seo ba ipolelang hore ke sona, ke seo kereke ea Protestanta e se inamelang. Empa, ho ea ka Mangolo, ha ho letšoao le le leng la Lengolo ka eona.

Ba ne ba loketse ho kolobetsoa hape, ka Lebitso la Jesu Kreste!

²³¹ Joale mamelang, kapele joale, re tle re nepahale... Ha ke batle ho le tšoarella nako e telele lipotsong tsena. Bonang, tsatsing leo Jesu a neng a theoha Thabeng ea Phetholelo le barutuo ba Hae, A re, "Batho ba re Ke mang, 'me ba reng?"

²³² "Ba bang ba re U 'Johanne Mokolobetsi,' ba bang ba re U 'Elia,' ba bang ba re U 'moprefeta.'"

A re, "Empa lona le re Ke mang?"

²³³ 'Me Petrose a re, "U Kreste, Mor'a Molimo o phelang!"

²³⁴ A re, "U lehlohonolo, Simone—Simone Bar-Jona," ho re, "hobane nama le mali ha li a u senolela hona. Ha u eso ithute sena kerekeng e itseng, ha u eso ithute sena seminaring e itseng. Empa Ntate O u senoletse sena, 'me holim'a lejoe lena Ke tla haha Kereke ea Ka 'me likhoro tsa lihele li ke ke tsa E hlola."

²³⁵ Joale, kereke ea Katolike e re, "E ne e le Petrose. Ba ne ba behile lefika mono, 'me le ntse le robetse tlas'a Motse oa Vatican." 'Me mono e ne e le Jerusalema, kapa Palestina. 'Me ba re e ne e le lefika leo.

²³⁶ Kereke ea Protestanta e re, “E ne e le Petrose eo ba ahileng Kereke holim’ a hae.” Haeba ho le joalo, o ile a khutlela morao matsatsi a seng makae hamorao. E ne e se eona.

²³⁷ Kereke e ne e hahiloe holim’ a tšenolo e Halalelang ea Molimo. “Nama le mali ha li a u senolela sena, Petrose, empa Ntate oa Ka ea Leholimong o u senoletse eona. ’Me holim’ a lejoe lena, tšenolo ea moea ea Lentsoe la Molimo, Ke tla haha Kereke ea Ka, ’me likhoro tsa lihele li ke ke tsa E hlola.”

²³⁸ Ke hona moo ke reng, Luthere, Methodise, le seo u leng sona, eng kapa eng, Mapentekosta, le seo u leng sona, ha se etse phapang e nyenyane; ha Kereke ea Molimo e tsoela pele, ka matla a tšusumetso, e tla tsoelapele hantle joalo le joalo le joalo. ’Me ha ho phutheho ea bolumeli e E thibelang, ha ho letho lefatšeng le tla E thibela. “Holim’ a lejoe lena Ke tla haha Kereke ea Ka, ’me likhoro tsa lihele li ke ke tsa E hlola.” ’Nete e senotsoeng, ka moea!

²³⁹ Joale shebang se latelang, O re, “’Me u Simone, ’me Ke tla u neha,” hobane o ne a ena le ’Nete, e senotsoeng ka moea. Ke ka hona a tsebileng phapang mahareng a Ntate, Mora, le Moea o Halalelang, le Lebitso la Morena Jesu Kreste. O ne a ena le tšenolo ea moea. Ke seo le se utloisisang bosiusing bona, moo Moea o Halalelang o re bulelang eona.

²⁴⁰ A re, “U Simone, ’me Ke tla u nea linotlolo tsa ’Muso oa Leholimo. ’Me seo u se tlamang lefatšeng lena, Ke tla se tlama Leholimong. Seo u se lokollang lefatšeng lena, Ke tla se lokolla Leholimong.” Na O e boletse? Santa Mattheu, khaolo ea 16, “Seo u se tlamang lefatšeng, Ke tla se tlama Leholimong. Seo u se lokollang lefatšeng, Ke tla se lokolla Leholimong. ’Me Ke tla u fa linotlolo tsa” (eng?) “’Muso oa Leholimo.” ’Muso oa Leholimo ke eng? Moea o Halalelang! Bibebe e boletse, “’Muso oa Leholimo o ka hare ho lona . . .” Ke bolela, “’Muso oa Molimo,” ntšoareleng. “’Muso o ka hare ho lona.”

²⁴¹ Joale O itse, “Ba bang ba emeng mona ba ke ke ba bona lefu ho fihlela ba bona ’Muso oa Molimo o e-tla ka matla.” Matsatsi a ’maloa hamorao, Pentekosta. Le a bona? “Ba bang ba emeng mona,” hantle khabareng ea que- . . . ntho eo A neng a e bua. “Ba bang ba lona ba eme mona,” O ne a fetohile, ho re, “le ke ke la bona lefu ho fihlela le bona ’Muso oa Molimo o etla ka matla.”

²⁴² Bibebe e boletse, “’Muso o ka hare ho lona.” Ha Jesu A ne a tsoha bafung, hopolang, O ne a ena le linotlolo tsa lefu le lihele lephakong la Hae, e seng linotlolo tsa ’Muso, tsona li ne li neiloe Kereke. Joale, Petrose o ne a e-na le linotlolo. Na u lumela hore Jesu o ne a tla boloka Lentsoe la Hae? Haeba A sa etse joalo, moena, E ne e se Molimo! Ke phetho. Joale, O itse, “Petrose, Ke tla u nea linotlolo tsa ’Muso,” ka mantsoe a mang, “tsa Moea o Halalelang. Sohle seo le se tlamang lefatšeng, Ke tla se tlama Leholimong.”

²⁴³ Joale shebang phoso eo ba e entseng, ho tsoa le ho tšoarela libe, le joalo-joalo. Ke phoso e kaakang! Ha re boneng. Ba beha linotlolo holim'a hae. Joale, A lebisa sefahleho sa hae hantle Pente- . . . kapa hantle ka kotloloho Jerusalema.

²⁴⁴ O ile a thakhisoa, a shoa, a tsoha ka letsatsi laboraro, a hlola lefatšeng matsatsi a mashome a mane har'a batho, a nyolohela Leholimong. Ho ba bolella ho ema hofihlela ba bone 'Muso oa Molimo o tla holim'a bona, nakong ena Ntate o tla khutlisetsa 'Muso ka sebōpeho sa moea ho bona. Ba nyolohela motseng oa Jerusalema, ba hlola teng matsatsi a leshome le masiu a leshome, 'me hang-hang, kolobetso ea Moea o Halalelang, 'Muso oa Molimo, oa fihla ka matla holim'a bona. Na ho joalo?

²⁴⁵ Joale hlokamelang! Petrose, ea sa rutehang, a sa khone le ho saena lebitso la hae (mopapa? Yaa, mopapa), a ema holim'a lebokosana la maiketseso kapa ho hong 'me a qala a rera. A re, "Lona banna ba Judea le lona ba ahileng Jerusalema, le ke le tsebe sena, 'me le mamele Mantsoe a ka. Batho bana ha ba tahoaa kamoo le lekanyang, hobane e se e le hora ea boraro ea letsatsi, empa ena ke taba eane e boletsoeng ke moporofeta Joele. 'Matsatsing a ho qetela,' ho rialo Molimo, 'Ke tla tšollela Moea oa Ka holim'a nama eohle. Bara ba lona le barali ba lona ba tla porofeta, 'me holim'a bahlanka ba Ka le makhabunyane Ke tla tšela Moea oa Ka 'me ba tla porofeta. Ke tla etsa meeka holimon maholimong; le tlase lefatšeng, mollo, le litšiea tsa mollo, le mouoane oa mosi.'" A tsoela pele, 'me a bua ka Davida le joalo-joalo. 'Me eare basomi bana ba sa eme mono . . .

²⁴⁶ Le ho re ke hona, "Banna le baena, re ka etsang hore re bolokehe?"

²⁴⁷ "Oh, hlokamela, Petrose, u leketlisitse linotlolo joale." Na ho joalo? Molaetsa oa pele oa Evangel!

²⁴⁸ Jesu, matsatsi a 'maloa pele ho moo, pele A thakhisoa, o itse, "Petrose, Ke tla u fa linotlolo. Seo u se tlāmang, Ke tla se tlama; seo u se lokollang, Ke tla se lokolla. Joale, seo u se etsang, Ke tla se hlompha Leholimong." Haeba E le Monna oa Lentsoe la Hae, O tla boloka Lentsoe la Hae!

²⁴⁹ 'Me ke enoa moo a emeng mona, Moea o Halalelang o ne o theohile khetlo la Oona la pele, 'me Petrose a botsoa, "Re ka etsa'ng hore re bolokehe?"

²⁵⁰ "Hlokamela, u nokela senotlolo sa 'Muso khetlo la pele. Jesu o u boleletse, matsatsing a 'maloa a fetileng, matsatsing a leshome a fetileng, o itse, 'E-eang le kolobetse batho ka Lebitso la Ntate, Mora, le Moea o Halalelang.' U tl'i o etsang? Empa O u neile linotlolo hobane u bile le tšenolo ea semoea! 'Hoba Kereke ea Ka e tla ahuoa, 'me likhoro tsa lihele li ke ke tsa E hlola.'"

²⁵¹ Le ho nka litumeloana tsa lona le litšomo, le eng eo le e lakatsang, empa e tla hloleha habohloko (ebile joalo), empa matla a Molimo o phelang a tla tsoelapele le pele, ho kena

Bosafeleng. Joaloka letoto la radiumo, A tsoelapele, hlokomela, ntle le pheletso.

²⁵² “Petrose, u nkile linotlolo. Sohle seo u se etsang mona, Molimo o tlameha ho se elelloa Leholidong.” Na ho joalo? “U reng, Petrose? Re ka etsa’ng hore re bolokehe?”

²⁵³ Petrose a re . . . Le se tlohe la re, “*Ahe Maria*,” ha ho ntho e kang eo, etsa *sekoto sa rosari*. U se ke ua tla ho tsukutla matsoho le ho ngola lebitso la hau bukeng ea kereke le ho bafafatsa ka metsna; ha ho ntho e joalo. Ke thuto ea Katolike eo kereke ea Protestanta e khumamelang.

²⁵⁴ Ha a re, “E-eang lona bohole . . . Joale, Jesu o mpoleletse, matsatsing a ’maloa a fetileng, hore kaofela ha lona le ee le kolobetsoe ka lebitso la ‘Ntate, Mora, le Moea o Halalelang.’” E seng monna ea neng a kakatletse tšenolo ea moea, o ne a ke ke a rialo.

²⁵⁵ A re, “Bakang, e mong le e mong oa lona, ’me le kolobeletsoe ka Lebitso la Jesu Kreste tšoarelong ea libe tsa lona, ’me le tla amohela neo ea Moea o Halalelang. Hobane pallo e etselitsoe lona, le bana ba lona, le ho ba leng hole, le bohole bao Morena Molimo oa rona a tlang ho ba bitsa.” Ke phetho. Eaba senotlolo se a nokeloa ’me sa notlela, sa notlela Leholidong!

²⁵⁶ Ke ka baka leo Pauluse a boleletseng barutuo ba Johanne, “Le tlameha ho kolobetsoa hape, ka Lebitso la Jesu Kreste, ho amohela kolobetso ea Moea o Halalelang.”

²⁵⁷ U ne o sa E tsebe pele, u a E tseba joale! Huh! Ho lokile. Ho ho uena. Ke ’nene. Empa kolobetso ea boraro-bo-bong, e ne e sa lemoihuoe Kerekeng, Testamenteng e Ncha; feela ka har’ a kereke ea Katolike, ’me kereke ea Protestanta e a e khumamela. Lebelang! Batho ba bangata ba tla qabana le uena ka seo. Empa, moena, u loketse ho etsa khetho ea hau.

²⁵⁸ Joale u re, “Moena Branham, ke ile ka kolobetsoa ka lebitso la ‘Ntate, Mora, le Moea o Halalelang.’ Ke fumane kolobetso ea Moea o Halalelang.”

²⁵⁹ Ha ke belaele lentsoe la hau. Ha ke na lebaka la ho belaela lentsoe la hau ho hang; ke a e lumela. Ke lumela Molimo o ba file Moea o Halalelang, holimo mono le pele ba kolobetsoa; empa eareha Petrose a ba bolella seo ba lokelang ho se etsa, ba tloha ba se etsa. Ke hantle. Joale u tseba seo u ka se etsang, ke hantle; ’me ha u hana ho tsamaea Leseling ha Leseli le hlahisoa, u fetohela lefifing. Ho lokile! Amen! Ho lokile. Ntšoarele. Ha ke batle ho kopa tšoarela ka ho hoeletsa “ho be joalo” ho Lentsoe la Molimo. Che, monghali. Ke tla hoeletsa “amen” hape. Ke hantle. E, monghali.

Hobaneng u kolobetsa ka Lebitso la Jesu Kreste, Moena Branham? Ke hobane’ng ha u etsa joalo sebakeng sa “Ntate,

Mora, Moea o Halalelang”? Hobane Bibele e ruta seo! Seo se hlakile?

Hobaneng u hlatsoa maoto, Moena Branham? Hobane Bibele e ruta seo. Ke lumela ho Evangelie e tletseng. Ho lokile, joale.

Ke kolobetso efe ea bohata eo u buileng ka eona? Ke phetho. Ke eona hantle. Ha ho nqa efe... Bala morao Testamenteng 'me u fumane moo motho a le mong...

²⁶⁰ Joale ho lona batho ba ratehang, ha ke utloise maikutlo a lona bohloko, ha ke batle joalo. Ke le kopa ho ikokobetsa 'me e seng... Sheba ntho ena sefahlehong, 'me u bone hore na e shebahala joang. E shebe sefahlehong sa Bibele, e seng kerekeng ea hau kapa booatla bo itseng, ntho e bohlanya eo motho a ikhohomositseng ka eona hloohong tsa hae, empa sheba Lentsoe la Molimo. Ehlide!

²⁶¹ Na u nahana hore Molimo ea Matlahole a ka mpha bosebeletsi boo A bo kakatletseng tjena, ka mehlolo le lintho tse e-so ka li bonoa ho tloha Testamenteng e Ncha, le ho ntlohela ke tsamaea ka phoso joalo? Ka sebele ha ho joalo! 'Me, moena, ha ke khutla mose ho maoatle, ke bea karolo e kholo ea nako ea ka e seng lipholisong tsa Khalalelo le meeka empa ho rera Lentsoe la Molimo. Ke hantle feela. Ruri. Joale ha re boneng.

38. Na kereke ee e ruta hore u lokela ho bua ka liteme ho amohela Moea o Halalelang?

²⁶² Che, monghali. Che, ha re etse joalo. Ho bua ka lipuo ke neo ea Moea o Halalelang, le a bona, e seng Moea o Halalelang. Ke neo. Sefate sena se beha mefuta e robong ea litholoana. Na ho joalo?

²⁶³ Ha u sheba sefateng sa liapole, se na le liapole, u re ke sefate sa liapole. Sheba sefateng, se na le lipere, u re ke sefate sa pere. Ho sa tsotellehae ba se na le lekhapetla la sikamora ho sona, 'me se na le lipere ho sona, bophelo ba sona ke eng? Bophelo ba sona ke bophelo ba sefate sa pere. Na ho joalo?

²⁶⁴ Joale, Sefate sena sa Molimo se beha litholoana tse robong tsa moea. Na ho joalo? Ho lokile. Ho na le tsohle tse fapaneng... A re, "E mong o fuoa thuto-...tsebo, bohlale, kutloisiso, le ho bua ka maleme, koahollo ea lipuo," lineo tse robong tse fapaneng tsa moea li mela Sefateng sena sa Molimo. Na ho joalo? Be, joale, ho bua ka maleme ha se hona feela, ho na le tse ling ka mono, hape.

²⁶⁵ Joale u ka bua ka liteme 'me u ntse u se na Moea o Halalelang. Joale, hopola seo feela. Esale ke nepile... Ke bone baloi le baupelli ba nyoloha ba bua ka lipuo, 'me ha ba na Moea o Halalelang. Le a tseba, ke ba bone ba nyoloha ba hoeletsa 'me ba tlolaka, 'me ha ba na Moea o Halalelang. Nkile ka ema motjekong oa poone mona nakong e seng kaalo ea ho feta, kantle... le sekotoana holimo ho tsoa Douglas, Arizona, holimo mono. Ke

bone motjeko oo oa poone ha ba o chaea holimo mono, 'me moloi eo a tsoa mono 'me a tsoella habohloko, le ntho e 'ngoe le e 'ngoe, ho tsoelapele le ho tšela lerole mono. Seo se ne se sa bolele hore o pholositsoe. Monna eo e ne e le e—e ngaka ea moloi.

²⁶⁶ Ke ile ka ema India . . . Afrika 'me ka bona lingaka tsa boloi li nyoloha 'me tsa mphephetsa joalo, ka boloi ba bona, ba bile ba noa mali ka lehateng la motho. Ke hantle. U mpe u tsebe seo u buang ka sona ha u tobane le seo. Empa ke bone matla a Molimo o Matlaohle a tlama monna eo ho fihlela a sa khone ho sisinyeha. Ka baka leo, mahlo e ka galase joalo, 'me ba mo phutha. E, monghali.

²⁶⁷ Moena, Molimo ke oa 'nete! Ke hantle. Empa Molimo ke Moea, ha e felle feela ho bua ka lipuo, kapa *sena*, *sane*, kapa se *seng*. Ke re monna ofe ea . . . Ke bona bothata bo ka hara kereke mona. Le a bona, u . . . Pentekosta e ile ea hlahafala ka ntho e le 'ngoe eo. Ba theohela ho batho . . . Sebakeng sa—sa ho ba Bea matsoho, le ho amohela Moea o Halalelang, ba ba theolela aletareng 'me ba qala ba ba tobolaka mokokotlong le ho hoeletsa, "E bue! E bue! E bue!" Le ho pheta-pheta lentsoe, ho fihlela ba ferekana e seng lipuo.

²⁶⁸ Haeba motho oa sebele oa Moea o Halalelang a tsoetsoe ke Moea oa Molimo, o tla phela bophelo ba borapeli. Ba bang ba banna bao ba ne ba phela maphelo a nyarosang, 'me le a tseba, 'me litholoana tsa bona li pakile hore ba ne ba se joalo. Jesu o itse, "Le tla ba tseba ka litholoana tsa bona." 'Me tholoana ea Moea ha se ho bua ka liteme, eo ke neo ea Moea.

²⁶⁹ Petrose ha a ka a re, "Bakang, 'me le kolobetsoe ka Lebitso la Jesu Kreste, le tla amohela Moea o Halalelang." A re, "Le tla amohela neo ea Moea o Halalelang," ha ba ne ba utloa lipuo tsena le batho ba bua. Ke e 'ngoe ea lineo tsa Moea o Halalelang tseo ba li fumanang. Amen. Ho lokile. Ke tlameha ho potlaka.

39. Ke bashanyana ba le babeli (e mong, lemo li peli; le e mong, li hlano), 'me ba fafalitsoe. Na ba lokela ho kolobetsoa ka ho qoelisoa?

²⁷⁰ Joale khaitseli kapa moena, u leng mang, ho ho uena. Ke na le ngoanana e monyenyan . . . Moshanyana oa ka, Billy Paul, o ne a le lilemo tse leshome le metso e tšeletseng, 'me ka mo kolobetsa ka Lebitso la Morena Jesu hantle mona. Ngoanana oa ka e monyenyan o ne a le lilemo li robeli. O ile a tla ho 'na 'me a ema lula mafareng a ka, 'me a re, "Ntate, ke batla ho lumela ho Morena Jesu Kreste, 'me ke—ke batla ho kolobetsoa." 'Me ka kolobetsa ngoanana e monyenyan ea lemo li robeli. Athe, haeba bana bao ba banyenyan ba batla ho kolobetsoa, ba kolobetse. Haeba ba se joalo, hobaneng, haeba ba le joalo . . . tsoelapele feela, ho ho lona, sefe seo Morena a se buileng.

40. Na ke ba nang le kolobetso ea Moea o Halalelang feela ba tla ba Hloibilong ea Kereke, kapa na balumeli bohle ba tla bonahatsoa?

²⁷¹ Ha re... ha re na nako ho nepahatsa seo. Empa, moena, ke Monyaluo oa Moea o Halalelang feela ea tla ba teng Hloibilong. Le a bona? Bibe...?... ba bang ba ke ke ba lahleha.

²⁷² Bonang! Ke mang ea tla ahlola lefatše? Bahalaleli. Daniele o itse, “Ka ‘Mona, a tla ho Moholo oa Mehla, m’me—’me A tla le likete tse leshome atisa ka likete tse leshome tsa Bahalaleli ba Hae.” Na ho joalo? Hloibili, Kereke e ne e tsoetsepele e faletse. Eaba ba theoha, ’me Kahlolo ea lula.

²⁷³ ’Me ha phetloa Libuka. Na ho joalo? ’Me ha phetloa Buka e ’ngoe, e neng e le Buka ea Bophelo, molumeli ea halalelitsoeng ea neng a eso amohele Moea o Halalelang.

²⁷⁴ Na Jesu ha a ruta hore baroetsana ba leshome ba tsoile ho khahlanyetsa Monyali? Le ba bahlano ba bona... kapa kaofela ha bona e ne e le baroetsana, ba hloekile, ba halalela. ’Me bona, *bana*, ba ea robala ’me ha ba ka ba fumana Moea o Halalelang; ’me *bana* ba ile ba fumana Moea o Halalelang ’me ba tsetse Oli leboneng la bona. ’Me eitseha Monyali a fihla, Mohoo oa hlaha, o hoeletsa, ba re, “Oh, tloong re keneng. Re qhatsetseng Oli ea lona!”

²⁷⁵ A re, “E-ea ho ba rekang, rapelisisang, le E fumane hona joale.” Empa ha ba khona. ’Me eare ba sa tlohile, e—e baroetsana ba kena Selallong sa Lenyaloo, ’me ba lahleloa lefifing le ka ntle, moo ho leng lillo le liboko le litsikitlano tsa meno. Na Tšenolo, maobane bosiu, khaolong ea 12, bosiung ba maoba, ha e a ruta hore drakone e khubelu e phusalalitse metsi molomong oa eona ho loana le *masala* a Peō ea mosali, ba neng ba e-na le tumelo ho Molimo ’me ba bolokile melao ea Jesu Kreste?

²⁷⁶ Ho lona basali, ha le ala paterone ea lona. Ke sekoto se settle sa thepa, thepa e tšoanang ho eona, empa u nka *tjena* ’me u behé paterone ea hau ka mokhoa oo u tlang ho e seha kateng. Ebe u a e seha. Ho ho uena. Empa u nka thepa eo u e sehang, ho etsa seaparo sa hau ka eona, ’me sekoto se setseng se a sebelisoa. Ke thepa e ntle hakaalo ka e setseng, empa ka khetho u thontse *eo*. Na ho joalo? Karolo e ’ngoe e khethehile, e lokile, ’me e turu joaloka e ’ngoe eohle, empa eo e ne e le khetho ea hau.

²⁷⁷ ’Me Molimo o tšepisitse hore re kena Tlhoibilong ka khetho! ’Me Bibele e boletse, “’Me bafu ba bang ha ba ka ba phela lilemo tse sekete li eso ho fete.” Na ho joalo? Ka hona ke feela... U ke ke oa lahleha, empa Monyaluo ea tlatsitsoeng ka Moea o Halalelang o tla kena Hloibilong. Ba bang kaofela ba tla feta Kahlolong; athe Bona ha ba etsa joalo.

41. Haeba u loketse ho kolobetsoa ka Lebitso la Jesu, hobaneng Jesu a ka re ho Mattheu 28, “Kolobetsoa ka lebitso la Ntate,

Mora, Moea o Halalelang”? Ke seo ke qetang ho se hhalosa, sona seo.

- 278 Ho lokile, na le ntse le khathala? Kea tseba hore le joalo.
42. **Empa na Molimo ha o hlompho kolobetso ea “Ntate, Mora, le Moea o Halalelang”?** Na ha ho batho ba kolobetsoang ka lebitso, mabitsong ana, ba amohetseng Moea o Halalelang? Na Jesu o tlide ho tla tlotsisa Ntate? Na kolobetso ee e ne e ke ke ea hlomphuoa?
- 279 E, Jesu o tlide ho tlotsisa Ntate. Sheba ho Santa Johanne khaolong ea 14. Ke batla feela . . . Ke fumane . . . Ha le ka ema feela tse ling tse ka bang tharo, re tla e qeta, kea kholoa. Shebang, re ntano fumana tse ncha hosane, ebe, hoba ke tla khutla bosiung bona, kea kholoa. Hlokamelang, ena ke kereke, leha ho le joalo, sena. Re ntse re tsoelapele.
- 280 Shebang, Jesu o tlide ho bonahatsa Ntate. Shebang, tšimolohong, Molimo o entse motho ka setšoantšo sa Oona ka Sebele. Na ho joalo? Joale, Molimo ke’ng? Moea. Santa Johanne khaolo ea 4, Jesu o bua le mosali selibeng, A re, “Molimo ke Moea, ‘me ba Mo rapelang ba tšoanetse ho Mo rapela ka Moea le ka ’Nete.” Na ho joalo? Haeba Molimo a entse motho ka setšoantšo sa Oona ka Sebele, ke motho oa mofuta ofe eo A mo entseng mohlang oo? Motho oa moea.
- 281 Ho Genese 2, ho ne ho se motho ea lemang mobu, ‘me Molimo oa etsa motho ka lerole la lefatše; e seng ka setšoantšo sa Hae, empa ka setšoantšo sa bophelo ba phoofolo. ‘Me A kenya moea oa motho ka ho motho enoa e leng phoofolo mona, ‘me ea eba moea o phelang. Joale, ke eona phapang mahareng a motho le phoofolo.
- Phoofolo ha e etse makoloi, ‘me ha e etse lintho tse kang ho thusa bophelo ba eona, le joalo-joalo. Ke phoofolo, sekoeta se semumu. Ha e na soule. Ha e tsebe ho bala le ho ngola. Ha e khone ho bua, ho bua. Ke lehlanya le semumu.
- Empa motho o nameng joaloka sethoto, empa o na le soule ea Molimo ka ho eena, o etsang hore a se shoe. ‘Me a ka sibolla . . . Shebang seo a ka se etsang! O batla, a lekana le Molimo, hoba ke mora oa Molimo esita le maemong a hae a oeleng. O a babatseha! Mo shebeng! Le a bona? Ke phetho.
- 282 Eaba ha motho a oela nameng . . . ‘Me ha Molimo a ka romela motho e mong kantle ho Eena fatše, O ne a sa loka. Tsela feela eo Molimo a neng a ka e etsa ka toka e ne e le ho nka sebaka sa monna ka Seqo.
- 283 Ho ka thoeng ha nka etsa hore Moena Neville a shoelle mosali *enoa* mona? Ho ka thoeng ha nka etsa hore mosali *enoa* a shoelle mosali *enoa* mona, hola e le ’na ea le busang? Nke ke ka ba le toka le ho etsa joalo. Haeba ke ahlotse ka lefu, ‘me ke batla hore u pehele, ke loketse ho nka sebaka sa hau ho u lokafatsa.

²⁸⁴ 'Me hape Molimo, Ea neng a le ka setšoantšo sa Moea . . . a se na setšoantšo, ke rialo. Bibebe e boletse, "Molimo ha o na sebopheho." Ho lokile. Eaba Molimo o lokela ho nka sebopheho, 'me Oa khurumetsa moroetsana 'me oa bopa Sele ea Mali ka ho eena, kantle ho kopano ea bong kapa letho le amanang le eona, 'me a bopa Sele ea Mali e ileng ea hola ho ba Mora oa Molimo. 'Me Molimo oa theoha 'me oa aha ka ho Mora oa Hae, Kreste Jesu, oa Mo etsa Molimo lefatšeng.

²⁸⁵ Mohla, Santa Johanne . . . Thomase o itse, "Morena, re bontše Ntate, 'me ho re lekane."

²⁸⁶ A rialo "Ke bile le uena nako e telele hakalo empa ha u Ntsebe?" A re, "Ke hobane'ng ha u re, 'Re bontše Ntate?'" Hobaneng, U itse, "Ha le Mpona le bona Ntate. 'Na le Ntate re Bang. Ntate o lutse ka ho 'Na."

²⁸⁷ Mofumahali e mong mona nakong e seng kaalo ea ho feta, ke ne ke bua mono, a tlola, a re, "Oh, Moena Branham," a re, "ke tseba seo u se bolelang. Ke ntho e le 'ngoe, ehlile ke ntho e le 'ngoe." A re, "Le uena le mosali oa hau le bang. Ke mofuta oa bonngoe ba leng bona."

²⁸⁸ Ka re, "Ke kopa u phete hape," ka, "ha ba joalo." Ka re, "U a mpona?"

A re, "Ehlile."

Ke re, "U bona mohatsa ka?"

Ha thoe, "Che."

²⁸⁹ Ka re, "Mono! Joale ba bonngoe ba mofuta o fapaneng le oo 'na le mosali oa ka re leng bona." Le a bona? Ka re, "Ke hantle."

²⁹⁰ Jesu o itse, "Le ke ke la Mpona le sa bone Ntate." Ka sebele ha ho joalo! Ke sekoto sa bobeli sa thupa e lekanyang ea maoto a mararo, thupa e le 'ngoe ea ho lekanya. Ke Molimo. Jesu Kreste e ne e le Molimo kapa e ne e le mothetsi e moholo ka ho fetisisa ea kileng a ba lefatšeng.

²⁹¹ Mamelang! Mosali e mong o ile a re ho 'na haufinyane, a re, "Ke tla u tiisetsha," mosali oa Mahlale a Bokreste. Joale, motsoalle oa Mahlale a Bokreste, apara hlompho motsotso feela, u a bona. Ba re, "Ke tla le pakela hore E ne e se letho haese motho." A re, "U ithorisa senyekhe-nyekhe ka Jesu."

²⁹² Ke itse, "Holane ka ithorisa motšeare le bosiu, nke ke ka Mo nea se tlangu ho Eena." Ke itse, "Ha ho makatse . . ."

²⁹³ Hobaneng, Esaia o lekile ho Mo rea lebitso, o itse, "O a makatsa, Moeletsi, Khosana ea Khotso, Molimo o Matla, Rabosafeleng." Tsohle tseo! "Ke Alfa, Omega, Qalo le Qetello, Motso le Lehlomela la Davida, Naleli e Khanyang ea Meso; Ntate, Mora, le Moea o Halalelang." "Botlalo ba Bomolimo bo ahile ho Eena ka 'mele," ho boletse Bibebe. Botlalo ba Molimo bo ne bo le ka ho Eena!

²⁹⁴ A re, “Ke tla u bolella, mohla a theohelang ho rapella Lasaro, ho tsosa Lasaro,” a re, “Ke tla u bontša hore e ne e le monna feela.”

²⁹⁵ Ke itse, “Ha re ke u bone u e etsa!”

²⁹⁶ A re, “Bibele e boletse, ‘O ile a lla.’ ’Me hoo ho paka hore e ne e le motho, o ne a ka lla.”

²⁹⁷ Ke itse, “Ehlile, e ne e le Mora Ea neng a lla.”

²⁹⁸ E ne e le Molimo-Motho. E ne e le sebopuoa sa boraro-bo-bong joaloka ’na, le uena; re soule, ’mele le seperete. E ne e le Ntate, Mora, le Moea o Halalelang, BoMolimong ba Molimo; ke Eo e neng e le Eena. E ne e le BoMolimo ka Seqo! O ne a ka etsa ntho efe mono ha ntho . . . Bana ba Hae ka Sebele ba tsetselela Mali a Hae? Haeba e ne e le ntho e ’ngoe hape . . . E ne e le bana ba Hae ka Sebele ba llelang Mali a Hae; ha ho makatse ha A ne a ba llela. Monna a ka khona joang . . . ’me bana ba Hae ka Sebele ba llela Mali a Hae, A ka ikutloa joang? E ne e le ho ba ahlolela lihele kamehla, kapa ho nehela bophelo ba Hae; E ne e le Molimo o nehelang bophelo ba Hae bakeng sa bana ba Hae! BoMolimo bo ne bo ahile ka ho Eena! Ke Eo e neng e le Eena.

²⁹⁹ Mosali a re, “Sheba,” a re, “Mor. Branham, ke tla u pakela! Ha a lla, ho ne ho paka hore ke monna.”

³⁰⁰ Ke itse, “Mofumahali, E ne e le monna ha E ne e le thapelo . . . kapa ha A ne a lla, ke hantle. E ne e le monna mohla A ne a lla, empa eitseha A ne otlolla ’mele oa Hae o fokolang ’me a bolella monna ea shoeleng matsatsi a mane, ‘Lasaro, tsoa mono!’ Monna e se e le matsatsi a mane a shoele, a bolile, ’me liboko tsa letlalo li ntse li nyeunya ho eena, ho bola ha tseba Mong’ a bona ’me soule ea tseba ’Mōpi oa eona, ’me monna ea neng a shoele matsatsi a mane a ema ka maoto ’me a phela hape! Eo e ne e le ea fetisang motho!”

³⁰¹ E ne e le motho mohla A theohang thabeng bosiusing boo, ea lapileng, a qamaka sefateng ho batla se jeoang. E ne e le motho ha A ne a batla se ka jeoang sefateng seo sa feiga. Empa eare ha A nka libisikiti tse hlano le likotoana tse peli tsa lhlapi ’me a fepa likete tse hlano, e ne e le ea fetisang motho! E ne e le Molimo ka mono! ’Mōpi a le mong Ea neng a ka nka hlapi e phehiloeng a e qhetsola ’me e ntse e le hlapi e phehiloeng, a nka bohobe bo besitsoeng a bo ngoatha; ebe O lokolotse atomo e joang? Alleluia! E ne e le Molimo, ’Mopi oa liatomo le lintho tsohle! Eo e ne e se motho feela!

³⁰² E ne e le monna mohla A ne a le kantle mono sekepeng seo bosiusing boo, ka mora ho rera letsatsi lohle le ho folisa bakui, a khathetse hoo, ho fihlela batemona ba likete tse leshome ba leoatle ba hlapantse hore ba tla Mo qoelisa. Seketsoana seo sa khale kantle mono, se kaba-kaba joaloka sekoahelo sa bottolo, maqhubuhali a lakomang ho tloha sebakeng ho ea ho se seng, ’me Eena a robetse, a khathetse hoo maqhubu a sa kang a Mo tsosa.

Batemona ba ne ba puruma, ba re, "Re tla mo fumana hona joale a sa robetse." Empa ha A tsoha, ho tsoha mono, E ne e le motho, A khathetse haholo. Empa eare ha A bea leoto la Hae holima boreile ba sekepana, a sheba kantle 'me a re, "Khotso, khutsa!" 'me meea le maqhubu a Mo utloa. Eo e ne e le ea fetisang motho feela! E ne e le Molimo, 'Mopi Ea entseng Maholimo.

³⁰³ Ha ho makatse ha moapostola a itse, "Motho enoa ke oa mofuta mang eo le meeа le maqhubu a Mo mamelang!"

³⁰⁴ E ne e le ea fetisang motho feela. Eo e ne e le Molimo. E ne e le motho mohla A ne a totomelitsoe sefapanong e le Sehlabelo, ho tlosa sebe. E ne e le monna ea khokhethetsoeng ka lipekere letsohong la Hae. E ne e le monna ea meutloa hloohong ea Hae. E ne e le monna ea mathe a masole a Mo somang. E ne e le motho oa matetetso, a le metopa, a le maqeba. E ne e le monna! E ne e le motho ha A lla, "Molimo oa Ka, U Ntloheletse'ng?" E ne e le monna ea llang ho kōpa thuso. Empa hoseng ha Paseka ha litiso tsa lefu li manolloa mono lebitleng, e ne e le ea fetisang motho! O pakile hore E ne e le Molimo.

Ho phela, O nthatile; ho shoa, O mpholositse;
Kepelong, O tlositse libe tsa ka;
Tsohong, A lokafatsa kamehla:
Ka tsatsi le leng O a tla—oh, letsatsi le le leng
le tlotlehang!
Oh, har'a mafika a petsohang le maru a
fifalang,
'Moloki oa ka a kebisa hlooho ea Hae a shoa;
Lesira le phetloang le senotse tsela
Ea nyakallo ea leholimo le letsatsi le sa feleng.

³⁰⁵ Ha ho makatse ha Eddie Perronet a ile a hoeletsa:

Ahe matla a Lebitso la Jesu!
Mangeloi a namalle;
Tlisang mofapa-hlooho oa borena,
Le Mo tlotle Morena oa tsohle.

³⁰⁶ Eo ke Motho e moholo eo, Morena Jesu. E ne e le Jehova, Molimo a koahetsoeng nameng. Bibebe e boletse, "Sohle le se etsang ka polelo kapa ka ketso, le etse tsohle ka Lebitso la Hae." Bibebe e boletse, "Leloko lohle Leholidong le bitsoa 'Jesu,' 'me leloko lohle le lefatšeng le bitsoa ka lebitso 'Jesu.'" Ha re rape leng ka Lebitso la Hae, re phele ka Lebitso la Hae, re rute ka Lebitso la Hae, re shoe ka Lebitso la Hae, re epetsoe ka Lebitso la Hae, ho kolobetsoa ka Lebitso la Hae, ho tsoha ka Lebitso la Hae, ho ea Leholidong ka Lebitso la Hae. Leo ke Lebitso la Hae, 'me Monyaluoa oa Hae o bitsoa "Mof. Jesu." Le tla ntša batho ho Balichaba, bakeng sa Lebitso la Hae.

³⁰⁷ 'Me ha ke oa Bonngoe. Che, monghali. Lona batho ba boraro-bo-bong tlosang seo ho lona. Ha ke Bonngoe. Che, monghali. Ha ke oa Bonngoe, leha e le molumeli oa boraro. Ke lumela seo

Bibele e se bolelang. Ho nepahetse. Amen. Shuu! Ke lieha haholo ho e le 'ngoe. E ne le eng hoo? Na ke e ntšitse? Kapa, ha re boneng, e ne e le eng? Oh, ee, ke hantle, mabapi le . . . kamoo Ntate a neng a le ho Kreste. E ne e le Motho, E ne e le Molimo-Motho.

- 43. Na kereke ea Pentekosta ha e kolobetse ka Lebitso la Ntate, Mora, le Moea o Halalelang? Ba bang ba bona.**
- 44. Ha motho a shoa ntle le kolobetso ea Moea o Halalelang, na o tla lahleha?**

³⁰⁸ Che, monghali. Haeba e le molumeli, o tla hlaha tsohong, tsohong ea bobeli. O na le kolobetso, o tla kena tsohong ea pele. Joale, u tla lokela ho nka polelo ea ka. Haeba seo se sa khotosafse, u—u impotse, ke tla u nea Lengolo. Hoba, ke leka ho fumana tsena tse peli kapa tse ling tse tharo mona, ebe re a qeta.

45. Moena Bill, na Bibele e bua letho ka ho becha?

³⁰⁹ E, E etsa joalo, empa ha ke khone ho e qotsa hona joale. Kea tseba masole a ne a becha ka liaparo tsa Hae, le joalo-joalo, empa nké ke ka bolela.

46. Na u ka hlalosa 1 Bakorinthe 15:29?

³¹⁰ Nphumaneleng eona ka mono, ha u rata, Moena Neville, Bakorinthe ba Pele 15:29. Re tla e fumana.

³¹¹ Joale, 'me mohlomong hosane nka u fumanelo seo hape. Joalo ka . . . Liletere tseo, hore li peletuo joang, "VICARIVS FILII DEI." Haeba le e lakatsa, ntsebiseng.

47. Na seporofeto sa Ezekiele 38 le 39 se tla phethahala pele ho Hloibili?

³¹² Ha ke nahane joalo. Ke nahana hore ntho e latelang eo re e lebellang ke Hloibili ea Kereke. Ebe ntho eo, "mohla Gogo le Magogo ba theohang," ke mabotho a Russia a kenang mono . . .

³¹³ Shebang, Mongh. Bohanon e kile ea eba mookameli mona oa K'hampani Ea Tšebeletso ea Sechaba, monna ea khabane haholo oa Mokreste. 'Me ka tsatsi le leng a bua le 'na, a re, "Billy, ke lekile ho bala, 'me ka leka ho kopa moruti oa ka ho hlalosa Tšenolo." A re, "Re ile ra fihla mono 'me ra E lubakanya kaofela." A re, "Johanne o tlameha a be a ne a ntse a ja—ntho e itseng bosiusing boo 'me a lora."

Ke itse, "Mongh. Bohanon, ha u soabe." Ka re . . .

A re, "Be, ha ho motho ea ka utloisisang Hono."

³¹⁴ Ka re, "Ha ho motho oa tlhaho, haese Moea o Halalelang o ka E senolang."

³¹⁵ A re, "Be, sheba mona, Billy." A re, "Monyaluoa o ne a eme holim'a Thaba ea Sinai. Metsi mona metsi a phusalatsoa molomong oa drakone, ho etsa ntoa—ntoa le Monyaluoa. 'Me Monyaluoa o ne a le Lehelimong ka nako eona eo. Nahana ka seo!"

³¹⁶ Ka re, “Mongh. Bohanon, ntho feela eo u nang le eona, u lubakantse lintho tse tharo tse fapaneng, o li bitsa ‘Monyaluoa.’ U bitsa *likete tse lekholo le mashome a mane a metso e mene*, tse emeng le Konyana thabeng ea Sinai ‘Monyaluoa.’ Ba ne ba se joalo. U bitsa (ea phususalitseng metsi molomong oa hae, ho loana) *masalla a Peo ea mosali, etsoe e ne e se Monyaluoa; ke sona se neng se setse*. Monyaluoa o ne a le *Leholimong*; ba likete tse lekholo le mashome a mane a metso e mene *mono*; ’me Mokreste oa molomo o tsamaea *mona* hara lihloriso. ’Me ke hantle.”

³¹⁷ Bala, moena, joale ha u fumane. [Moena Neville o bala Bakorinthe ba Pele 15:29—Mohl.]

[*Ho seng joalo ba kolobeletsoang bafu ba tla etsa joang haeba bafu ba sa tsohe ho hang? ba kolobeletsoa’ng bafu?*]

³¹⁸ Joale, joale, baena, ho na le e—batho ba le bang ba lumelang seo, ba kolobeletsa bafu, bao ke Mormon. ’Me ke kene litempeleng tsa bona, nako tse ngata, ke batho ba khabane haholo. ’Me mohlomong u Mormon, joale. Ha ke leke ho thonkha maikutlo a lona. Empa, motsoalle oa ka ea ratehang, u ke ke oa kolobeletsoa ntatao; ke ketso eo a neng a lokela ho e etsa. “Sefate se oela, moo se sekametseng teng.”

Pauluse, ea buang mona, o ne a bua ka “bafu,” Jesu Kreste, “ha bafu ba sa tsohe, u kolobeletsoang ka Lebitso la Jesu Kreste joale ha bafu ba fela ba sa tsohe?” Le bona seo ke se bolelang? Ebe u... A re, “A re jeng, re noeng, ’me re thabe, hobane hosasane re tla shoa, ha bafu ba sa tsohe.” Empa o tsoela pele a tlotsila Molimo ka baka la tsoho ea bafu. ’Me re kolobeletsoa ho Jesu Kreste, lefung la Hae, kepelo, le tsoho. Ke ka lebaka leo re kolobeletsoang “bafu.” Ho lokile.

Kea kholoa, joale, ena e batla e le ’ngoe feela ka mor’ a ena.

48. **Moena Bill, ke kopa o mpolelle mokhoa ho—ho fumana kolobetso ea Moea o Halalelang.** Ke ka thapelo, bophelo bo inehetseng, ho Bo amohela kamoo re etsang pholiso? Kea tseba seo e leng sona ho ba le tumelo ea pholiso mohla u neng u nthapella mona. Na u ea rapela le ho bea matsoho, bakeng sa kolobetso ea Moea o Halalelang? Ke ile ka kolobetsoa ka lebitso la “Ntate, Mora, le Moea o Halalelang.” Mpolelle haeba ke lokela ho kolobetsoa hape ka Lebitso la Jesu, joalokaha u buile haufinyane.

Joale, motsoalle oa ka ea ratehang oa Mokreste, ha ke u boelle hore u etseng. Ke beha Lengolo feela fatše. ’Me le a tseba ke’ng, kamoo Moea o Halalelang o ka tlang hona joale re sa bua. Moea o Halalelang ke neo ea Molimo. Le a bona? Ke neo ea Molimo. E ka tla ha re ntse re bua. ’Me ke tla u bolella, neng... Haeba batho ba ne ba rutiloe hantle,...

Ba bang ba lona maqheku mona, e reng ke le botse ho hong, lona batho ba khale ba kileng ba kena tabernakeleng. Shebang

ha ke kolobetsa batho. 'Me lona baruti le etse taba ena mohlala. Ke rutile batho bao ho fihlela ba hloekisa bophelo boo pele ba kena metsing ao, 'me ka etsa hore ba lumele hore Molimo o tlamehile ho boloka tsepiso ea Hae; hang hoba ba kolobetsoe ka Lebitso la Jesu Kreste, Moea o Halalelang o ne o le teng mono ho o amohela. 'Me eitse ha ba tsoa metsing, ba amohela Moea o Halalelang. Ke hantle. Haeba feela . . .

³¹⁹ Balisa, rutang linku tsa lona, li fumane ka Bibeleng *mona*. Tloha bukeng eo ea khale ea kereke e itseng, 'me o fihle tlase mona ka Bibeleng moo Molimo a rutileng, 'me u ke ke oa ba le mathata ao.

³²⁰ E, peo ea matsoho ke kamoo re ka amohelang Moea o Halalelang, ka motho ea itseng ea tlotsitsoeng ka peo ea matsoho.

49. *Moena Bill, ke . . . Na ho tsoile taolong hore motho a eme a fane ka melaetsa ka maleme ha moreri a ntse a fana ka . . . Lentsoe?* Motha enoa o na le lipotso tse tharo mona.

49b. 'Me e 'ngoe ke ena: **Hape, na ke taba e tsoileng taolong ha ho bitsetsoa aletareng?**

50. Ea boraro, ea boraro: **Hape, e tsoile . . . Na ho tsoile taolong hore motho a eme ka kerekeng le ho khalemela molisa bakeng sa ntho eo a e buileng kapa a e entseng nakong ea tšebeletso, athe o mora deske e halalelang?** Lintho tsena kaofela li 'nile tsa etsoa tabernakeleng ka makhetlo a 'maloa.

³²¹ Joale, e re ke fihle ho sena kapele joale, sena se amana le kereke ha joale. Ke . . . Joale, ho lona baeti ba menyakong ea rona, ke tlameha ho otla kereke ha hanyenyane joale, joalo ka uena—u batla o ema motsotsa feela, le a bona, ha o rata.

³²² Mamelang, bana ba ka! Lineo tseo li a babatseha. Ha ho motho ea tsebang kamoo ke le ananelang kateng, 'me ke le rata ka lerato la bomolimo. Empa lineo tseo li ka ba kotsi ho uena haeba u sa li sebelise sebakeng se nepahetseng.

³²³ Shebang batho kajeno, banna ba khabane kantle masimong, ba rapella bakuli le ho lefisa chelete bakeng sa seo. Hoo ho fosahetse. Haeba motho a na le tumelo bakeng sa pholiso le ho rapella bakuli, o lokela e be khabane ho lekana ho rapella batho ba se nang chelete. Ho lebohuoe Molimo! Moena, ke batla ho bolela seo, eseng bakeng sa ka, empa bakeng sa khanya ea Molimo, ha ho nako eo nkileng ka nka chelete ho tsoa ho batho, kapa ntho efe feela e kang eo; le ho a, hantle feela, milione, makholo a mahlano a lidolara, monehelong o le mong. 'Me le a tseba; e ne e le hantle mona, pampiri. Le a bona? Ke hantle. Ha se bakeng sa . . . Ha u etsa hoo, u tla lahleheloa ke tumelo ea hau koana le Molimo.

³²⁴ Joale lona batho ba buoang ka liteme 'me le na le lineo tsa liteme, Molimo le hlohonolofatse. U a hlokeha tabernakeleng

ena. Ke u batla mona. Empa, joale, taba—ntho eo e hlophisisitsoe, u se ke oa e etsa ha moreri a ntse a rera. Haeba u etsa joalo, u tsoile taolong. Le a bona? Ha u a tlameha ho e etsa. Hobane Bibele e boletse, “Moea oa moporofeta o laoa ke moporofeta.” ’Me ha monna a rera, sebaka ke sa hae, o na le letšoelle, Moea o Halalelang o tla bua ka eena. Ha a qetile, ebe ke nako ea molaetsa, o a bona. Kahoo u se ke ua tsoa taolong; haeba u etsa joalo, u a sitisa mme u tla—u soabisa Moea o Halalelang ka molaetsa o tsoeletseng pele.

³²⁵ Ha se khale haholo mona, ke ne ke le kopanong holimo mona Washington, batho ba likete tse ngata ba ne ba lutse mono. ’Me manejara oa ka, eo e leng mofatakanyi oa ’nete oa Bibele, o ne a eme moo a bua ka pholiso ea Khalalelo, a tlotsitsoe, Moea o Halalelang o ne o bua. Mofumahali e mong a ema ’me a qala ho bua ka liteme, ’me a ema nakoana feela, eaba o qala. Moea o Halalelang oa qala... hloname, u ne o ka e bona hara batho. A qalella ho bua hape, ’me a ema. A re, “Khaitseli, lula fatše, ka Lebitso la Morena.” A re, “U tsoile taolong.” ’Me baruti ba mo isa moo ’me ba mo tsebisa.

³²⁶ Joale, seo e leng sona, lineo tseo li lefatšeng, li ka hare ho kereke joale. Lineo li ka hara kereke, empa bana ba banyenyane ba futsanehileng ba fumana lineo tseo ’me ha ba na thuto ea ho tseba ho e laola. Haeba u ka e laola hampe, u tla senya ho feta kamoo u tla etsa hantle. Le a bona?

³²⁷ Joalo ka ha monna a tsoela ntle, a rapella bakuli ’me e mong a fole, a re, “Joale, u lokela ho mpha sekete sa lidolara bakeng sa eona.” Joale, o entse tšenyo ho feta ho etsa botle. Ho ne ho ka ba molemo ha monna eo a ne a ka tsoela pele ’me a shoa ho e-na le ho tlisa thohako e joalo tseleng ea Kreste.

³²⁸ Joale, ha u... Ha molisa kapa moevangeli, kapa mang kapa mang, a rera, u khutse. Pauluse o laetse ho etsa seo, u a bona. Joale, eaba o re, “Le ka bua bohole, ka bonngoe.” Ke ’nete ho lekana. ’Me a re, “Ke rata ha bohole le ka bua ka lipuo. Ke hantle.”

³²⁹ Empa u ka se bue ka maleme haese ha u na le neo ea maleme. ’Me ntle le pelaelo ho na le lineo tse ngata tsa seo ka kerekeng ena joale. Ho na le lineo tse ngata tsa eona mona kerekeng ea Methodise, ho na le tse ngata tsa eona mona kerekeng ea Baptise, hola feela e ne e reroa hore neo e tle e qale ho sebetsa.

³³⁰ Joang? Haeba u beha peō mobung ’me u sa e leme, ho tla etsahala’ng ka eona? Le a bona, e tla robala mono leroleng le omileng, ’me e bola; e ke ke ea thusa letho. Lineo tsena esale li le teng ka hare ho kereke ka nako tsohle, empa joale metsi a qala ho theoha, pula ea Pentekosta, ho e nosetsa le ho hlahisa tholoana. Joale, e sebelise sebakeng se nepahetseng.

³³¹ Joale, e re, be, ke lumela hore potso e latelang e ne e le teng, motho eo a e botsitseng, o itse:

Ha e...ha ba etsa memo ea aletare?

³³² Che, nke ke ka nahana ka nako eo. Haeba le hlokometse, 'me le nke Bakorinthe 'me le e bale, ba bang ba lona mona, ha—ha u na le lineo tsa ho buoa ka liteme, joale hlokomela. Ka Bibeleng, ha ba ne ba na le... kamora tshebeletso, tlhohonolofatso ea Molimo e theohela holima phutheho, eaba ba qala ba bua, ba nto qala ho tlotlisa Molimo. 'Me, nako le nako, ke molaetsa o otlolohileng ho motho e mong. Che... U lokela ho sheba seo ha joale. Le a bona? Ha se ntho ea nama feela. E tla be e le molaetsa o eang ho motho e mong, hore motho a etse ho hong, kapa ho hong ho ahisang kereke. E tla ba ntho e tlotlisang kereke.

³³³ Ke hona moo batho ba Pentekosta ba lihetseng sekhibo lebitsong la bona. Lona lebitso la *Pentekosta*, ha u ka le bitsa 'me batho ba tla tloha ba re, "Bosaoana," hobane ba bone lintho tse ngata tse ntseng li tsoela pele; etsoe, batho ka botšepehi empa ba sa rutoa.

³³⁴ Pauluse o itse, "Ha ke fihla kerekeng ea Pentekosta mono," a re, "ke tla e hlophisa." E tlameha ho ba taolong, 'me ntho e 'ngoe le e 'ngoe e tlameha ho etsoa ka taolo, joalokaha Moea o laetse. Kahoo a re, "Joale, ha kena, 'me bohole le qala ho buoa ka liteme; 'me ea sa rutehang ba kene, o tla re, 'Joale, na kaofela ha le hlanye?'; ho tsoa."

³³⁵ Ke seo kereke ea Pentecosta e se etsang. A re, "Joale, sebakeng, ha e mong oa lona a porofeta 'me a senola liphiri tsa ntho e 'ngoe, (e mong oa lona ho ba moporofeta, ka mantsoe a mang)," a re, "na joale batho ba ke ke ba oela fatše ba re 'Molimo u na le lona'?"

³³⁶ Be, nka latola joang neo ea ho bua ka liteme, athe ke ne ke tla lokela ho latola neo ea boporfeta, Ke tlamehile ho hana lineo tsena tse ling? Joale, bongata ba likereke, likereke tse kholo, Nazarene, Pilgrim Holiness, joalo-joalo, ba nahana hore ha motho a bua ka liteme ke liabolosi. Eo ke nyefolo khahlano le Moea o Halalelang, ha e na tšoarello. Ke seo Bajuda ba se entseng, ba soma batho ba nang le Moea o Halalelang, 'me ba ahloloa le ho lahleha, ka baka la eona. E nepahets! Na Jesu ha a re, "Ha u bua lentsoe le leng khahlano le Moea o Halalelang, u ke ke ua tšoarelloa lefatšeng lena kapa lefatšeng le tlang"? Kahoo hlokomela; ha u utloisise, lula u khutsitse.

³³⁷ 'Me lona batho ba nang le Moea o Halalelang 'me le biletsoa liofising, baruti... Joale, na u ka nahana... ke mona ke eme mona ke leka ho ruta, 'me monna ke enoa o tlolela holimo, lehlakoreng la ka, 'me a qale ho ruta hantle ka nako e le 'ngoe, monna e mong ea emeng kantle mona a ntse a bina sefela sa jubilee? Be, ke pherekano e kakang!

³³⁸ Be, ho joalo le ka ho bua ka liteme. E ke e tle ka taolo, joaloka ha Moea o tla e aba, u ka bua ka lipuo.

³³⁹ Joale u re, "Be, Moena Branham, ha ke khone ho ithusa."

³⁴⁰ Oh, e, u ka khona! Pauluse o itse u ka khona. A re, "Ha ho ena le e mong, hara lona, ea buang ka lipuo, 'me ho se mofetoleli, a ikhutsetse." Ho sa tsotellehe e batla ho bua hakae, khutsa. Ke neo, moena. Ke—ke a rapela, Molimo o tla ntumella ho ts'oara tsoselotso mona a mang a matsatsi ana re tle re le kene linthong tseo, le a bona. Moo u ka bonang hore ke neo, 'me neo eo e batla ho sebetsa ka nako tsohle. Le a bona? Empa u tlameha ho rua bohlale ba Moea o Halalelang mona ho tseba haeba neo eo e sebetsa neng le joang. 'Me hoo . . .

³⁴¹ U re, "Be, tlotsiho ho Molimo, Bibebe e boletse mohla Moea o Halalelang o tlang ha u hloke mosuoe oa letho. Ke Moruti ka Boeena." Oh, moena, na u ka ba monyenyane hakakang ho bala Lengo- . . . Hobaneng ha Moea o Halalelang o beile baruti ka hare ho kereke, joale?

³⁴² Ho re "Ha ke hloke ho rutoa ke motho. Moea o Halalelang o a nthuta." O etsa joalo, ka mosuoe. O bea baruti ka kerekeng.

³⁴³ A re, "A bohole ke baruti, na ke baapostola, bohole ke lineo tsa pholiso?" Moea o Halalelang o beile lintho tsena ka hara kereke, 'me O li laola kaofela, 'me e 'ngoe le e 'ngoe ea tsona e sebetsa ka taolo.

³⁴⁴ Joale ho tšoana le leoto la ka; le leng le re, "Ke tsamaea ka tsela *ena*," le leng le re, "Ke khutla ka tsela *ena*." Joale, u tlo etsang? Letsoho la re, "Ke tla nyoloha," 'me le leng le tsamaea ka tsela ena. 'Mele o tla kena sebopethong sa mofuta ofe? Le a bona?

³⁴⁵ Empa, joale, haeba kelello mona e re, "Leoto, e-ea pele, bobeli ba lona. Letsoho, u tsamaee le tsona. Hlooho, u lule u otlolohile. Matsoho, le uena u etse joalo," tsohle li tsamaea ka kutloano. Joale, ha ke fihla mono, ha ke eso sebelise liphaka tsa ka. Joale, leoto le phethile mosebetsi oa lona, moruti o qetile ho rera; joale, matsoho, etsa mosebetsi oa hau. Le a bona? Le bona seo ke se bolelang?

³⁴⁶ Be, ho ka thoe'ng haeba matsoho a ne a nanabela ka tsela *ena*, "Oh, e ho kae? E ho kae?" le maoto a ntse a rera? Le a bona, ha u eso fihlre mono. Ua bona, khutsa, letsoho la hau; u tla sebelisoa ka mor'a nakoana; ema ho fihlela u fihla mono. Le bona seo ke se bolelang? Ke neo eo, ke neo ea Moea e sebetsang.

³⁴⁷ Ke rata Morena. Lona ha ho joalo? Amen. Mamelang, ke tseba ntho e le 'ngoe eo nka le bolellang eona, ruri le na le mamello; metsotso e mashome a mabeli ka mor'a leshome. Joale, metsoalle, shebang mona tjena joale. Ke . . . Mona ke ka tsebo ea ka e fetisisang. Ke lokela ho potlaka ho haola bongata bo boholo joalo. Haeba ke . . . Haeba u sa lumellane le seo, u se ke ua qabana le 'na. U be moena oa ka, ua bona. Ke a u rata, 'me ke bua feela lintho tsena hobane li le pelong ea ka. Ke seo ke se lumelang, 'me ke e hhalosa ka tsela eo, 'me ke e tlisa joalo, e tsoa Bibeleng.

³⁴⁸ Joale, haeba u re, "Moena Branham, ha ke e lumele ka tsela eo feela." Hoo ho tla loka ka ho phethahala, le a bona. Ha re na

ho nahana phapang efe, re tla tsoela pele hantle joalo ka baena le metsoalle.

³⁴⁹ 'Me—'me ha u re, "Ho lokile, ke—ke lumela ke setho sa kereke ea Methodise kapa kereke ea Baptise, ke tla bolokeha leha ho le joalo." Ho lokile, moena, ho lokile ka ho phethahala. Ke sa ntse ke u bitsa "moena oa ka," hobane u lumela Jesu Kreste. Le a bona? Ke hantle. Kahoo re tla ba baena le metsoalle ka ho tšoana.

³⁵⁰ Empa ke mpa ke e alla kereke ena, matsatsing ana a 'maloa mona, Thuto eo kereke ena e e emelang. Le a bona? Ke seo kereke e se emetseng! 'Me ha ho ena le motikone mona ea sa lumeleng kolobetsong ea Lebitso la Jesu Kreste, le kolobetso ea Moea o Halalelang, kapa lineo tsa Moea li bonahatsoa, motikone eo, hantle mona ke sa eme mona, ha a lokeloa ke ho ba ka har'a kereke ho fihlela a lokisoa. Ke hantle feela. 'Me boto e lokela ho bona seo. Ehlide! Kereke ena ha e laoloe ke batikone; kereke ena e laoloa ke Bibebe le Moea o Halalelang, feela. E, monghali. Joale, lintho tseo, re lumela hore ke Thuto ea kereke ena.

³⁵¹ Ha re na lengolo la botho ho hang. Ha ho na setho mona, empa motho e mong le e mong ea tlang ke setho, hoba re lumela hore bohle re litho tsa 'Mele o le mong ka kolobetso ea Moea o Halalelang.

³⁵² 'Me rea u qobella, moena kapa khaitseli ea ka ea ratehang oa Mokreste, ho kolobetsoa ka Lebitso la Jesu Kreste le ho amohela Moea o Halalelang. Haeba u se u amohetse Moea o Halalelang, ka mora hoba u kolobetsoe ka lebitso la Ntate, Mora, Moea o Halalelang, Molimo a u hlohonolofatse! U re, "Moena Branham, ke etse joang ka taba eo?" Potso e ile ea arajoa. Nka bolela feela joaloka ha Paulose a boletse, le tšoanelia ho kolobetsoa hape!

³⁵³ Joale, sheba mona, Liketso. Ha re baleng sena, Bagalata 1:9. E ngole fatše, uena ea e ngolang. Pauluse o itse, monna enoa ea buileng sena, o rutile ntho ena. U lumela seo ha joale? Na ho joalo? Pauluse o ne a ba boleletse hore ba tlameha ho kolobetsoa hape ka Lebitso la Jesu Kreste. 'Me Pauluse a re, "Ekare ha Lengeloi le tsoang Leholidong . . ." Bagalata 1:8, "Ha Lengeloi le tsoang Leholidong le ka le ruta ntho ese le Ena, le ke le rohakoe." Haeba e le moarekabishopo, haeba e le mopopata, haeba e le mosebeletsi, haeba e le moporofeta, haeba e le moruti, haeba e le Lengeloi le tsoang Leholidong, kapa leha e ka ba mang, a re, "Haeba ba ruta se seng ntle le Sena, e be ea rohakiloeng ho lona!" Na ho joalo? 'Me a e pheta hape, a re, "Joaloka ha ke boletse, ke boetse ke re: Ha ba ruta se seng kantle le Sena, a ke a rohakoe!" Na ho joalo?

³⁵⁴ Ka hona Morena a le hlohonolofatse. Ke e balile Lentsoeng, 'me u etse qeto ea hau.

³⁵⁵ Joale ba bakae ba ratang sefela seo sa khale se monate:

Tumelo ea ka e lelala ho Uena,
Uena Konyana ea Kalvari,

'Moloki ea Khethehileng;
 Nkutloe joale ha ke rapela,
 Tlosa melato ea ka kaofela,
 'Me ho tloha kajeno lena
 Ke be oa Hau ka botlalo!

³⁵⁶ Ke batla ho le botsa taba, lona ba kerekeng ena. Joaloka monna ea shoang a rerela motho ea shoang, ke elelloa hore ena ekaba therero ea ho qetela eo nkileng ka e rera; 'me ke leka ho rera therero e 'ngoe le e 'ngoe eo ke e etsang, joaloka ha e ne e le ea ho qetela, joaloka motho ea shoang ho ea ho motho ea shoang. Joale, banabeso, le baahi-mmoho ba sechaba sena le na ha ena ke re, na ruri u ikutloa u hloka ho tsamaea haufi-ufi le Molimo ka mor'a litšebeletso tsee? Molimo a u hlohonolofatse! 'Na joalo ka... ngoaneno, ha ke bua le uena, thapelo ea ka e tiileng, ho uena, hore u tle u amohele khato ena e haufi le Molimo.

³⁵⁷ 'Me eka, ka Letsatsi la Kahlolo, masiu ana ao esale ke rera ka ona, ho tla ba—joalo ka teipi e rekotiloeng ka Letsatsi leo, 'me lentsoe la ka le tla tsoa, 'me ke tla lokela ho ema mono le ho arabela, hoba mantsoe a ka a tla ntlohonolofatsa kapa a ntsoe ka Tsatsi leo. 'Me e bile mantsoe a ka lilemong tse mashome a mabeli le manamane tse fetileng, ke sa le moshanyana ea ka bang lilemo tse mashome a mabeli, a rera Evangelie, 'me ke mashome a mane a metso e mehlano joale. 'Me ha ke eso E fetole le hanyenyane, hoba nke ke ka E fetola ha feela Bibebe e lutse joalo.

³⁵⁸ Ke E topetse ka ho babishopo le ntho e 'ngoe le e 'ngoe, 'me ha ke eso bone ea ka buang khahlano le Eona, ho ea ka Lentsoe. Ba rialo... Be, joale, ke... Moprista enoa, mona matsatsi a 'maloa a fetileng, o itse, "Mor. Branham, ha re nke Bibebe; ke kereke, ho rona." Kahoo u ke ke ua bua le monna eo. Empa haeba u tla e thea Bibeleng, hoo ho fapané. Le a bona?

³⁵⁹ Ke rapela Molimo a etse joalo... E mong le e mong oa metsoalle ea ka ea Katolike ka mona, le e mong le e mong oa metsoalle ea ka ea Maprotestanta, esita le... Ha ba sa le eo... Haeba e mang... Ke—ke rata feela e mong le e mong oa lona. 'Me Molimo o a tseba hore seo ke 'nete kapa che. Sheba moleng oa thapelo, ha lifofu—lifofu le lihlotsa, ha E re, "Katolike."

³⁶⁰ Mona ho lutse monna hantle mona kal... hantle mona, Mokatolike, ea shoang ke mofetše, o jeloe; a tlie ntlong ea ka, 'me Moea o Halalelang oa theohela holima hae, oa mo folisa mofetše oo. Ha A 'molella haeba e le Mokatolike kapa che; ha kea bua letho ho eena. O tlie, a kolobetsoa ka Lebitso la Jesu Kreste 'me a amohela Moea o Halalelang. Monna ke eo o lutse hantle mono, rakhoebo Louisville. Yaa. Le a bona?

³⁶¹ Ha E botse haeba u le Mokatolike kapa che. Ke hore na pelo ea hau e lapetse Molimo. "Ho lehlohonolo ba lapelang ho loka le ba nyoretsoeng ho loka, hobane ba tla khorisoa." Na ho joalo? Amen. Morena a le hlohonolofatse.

³⁶² Ke ba bakae ba tsebang sefela sewna se monate sa khale, *Ho Bokoe Tlamo E Tlamang?* Batho ba bakae mona ba fetang lilemo tse mashome a mane, phahamisang matsoho a lona le 'na, 'me le re, "Ke hopola sefela sa khale, ho tloha lilemong tse mashome a mane, *Ho Bokoe Tlama E Tlamang*"?

Ho bokoe tlamo e tlamang
Lipelō tsa rōna ka lerato la Bokreste;
Kopano ea mehopolo e joalo
E tšoana le ea Holimo koana.

³⁶³ Na ha le rate lifela tseo tsa khale? Mamelang, ke batla ho bolela sena, hola ra ba le lifela tseo tsa khale tse ngata sebakeng sa tseo re li fumanang, ke lumela kereke e ka ba betere. Ke rata lifela tseo tse monate, tsa khale tse ngotsoeng ke Moea o Halalelang.

³⁶⁴ Maqheku ao, ke ne ke hopola, monna-moholo oa mammala, o ne a tloaetse ho lula ka mor'a ntlu, tlase mono lithabeng tsa Kentucky. Enereha a khathala, o ne a lula holim'a kutu eo—kutu eo ea khale 'me a otlake sekoko ka matsoho. Ke mo hopola hantle feela, a le motakanyana o mosoeu oa moriri o ithatikang hlooho ea hae. O ne a bina sefela seo sa khale, sefela sa khale:

Ke tla tsoha, ke ee ho Jesu,
O tla ntšikara ka matsoho a Hae;
Matsohong a Mopholosi oa ka ea ratehang,
Oh, linyakallo tse likete tse leshome li teng.

³⁶⁵ Ha se na merethetho e mengata ho sona. Ke ba bakae ba kileng ba utloa sefela seo sa khale? [Phutheho e re, "Amen."—Mohl.] Khele! Ho lokile. Mamelang . . . 

54-0515 Lipotso Le Likarabo
Branham Tabernacle
Jeffersonville, Indiana U.S.A.

SOUTH SOTHO

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitsos

Litokelo tsohle li babaletsoe. Buka ena e ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangelia ea Jesu Kreste. Buka ena e ke ke ea rekisoa, ea boela ea hlahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org